

禮記章句

禮記卷之十

烏程盧葆辰子

婺源汪

紱雙池章句

後學

同邑程夢元昞園

校字

古歛汪

鑣範泉

同邑余家鼎彝伯

問喪第三十五

設問以明喪禮之義

親始死。雞斯。徒跣。扱上衽。交手哭。惻怛之心。痛疾之意。傷

腎。乾肝焦肺。水漿不入口。三日不舉火。故鄰里爲之糜粥

以飲食之。夫悲哀在中。故形變於外也。痛疾在心。故口不

甘味。身不安美也。

斯色買反又音師。扱昌匹反。乾音干。爲去聲。飲去聲。食音嗣。夫音扶。○雞。并同。

斯當作纓。紕髮之緒也。親喪去飾。故投冠而露其弁纓也。徒。空也。喪屨未成。故空跣也。拔。上衽。扱。深衣之前衽於帶間。爲號踊恐躡之也。交手哭。交兩手拊心而哭也。厚曰糜。薄曰粥。形變於外。徒跣交手哭踊之類。口不甘味。謂水漿不入口。身不安美。謂去冠履之類。○此始死第一節。三日而斂。在牀曰尸。在棺曰柩。動尸舉柩哭踊無數。惻怛之心。痛疾之意。悲哀志懣。氣盛故袒而踊之。所以動體安心下氣也。斂。去聲。後同。懣。謨本反。○三日而斂。以大夫士言。大斂以前。在牀曰尸。既殯以後。在棺曰柩。動尸如浴。襲小斂。俛堂大斂之時。移動其尸也。舉柩如啓橫升車。朝廟出葬之時。舉動其柩也。哭踊無數。非若阼階成踊及朝踊與賓拾踊有九跳三踊之數也。懣。煩也。謂悲哀之志懣煩於中。而氣盛鬱於體。不能發洩。故袒而踊之。以動其體而舒其心之懣。下其氣之盛也。此專以男子言。婦人不宜袒。故發胸擊心。爵踊。殷殷田田如壤牆然。悲哀痛疾之至也。發胸。啓前領而露其胸。乃以手拊擊其心也。爵。踊如爵之跳。足不離地也。殷殷田田。擊踊聲相

續也。此對動尸舉柩而以婦人不袒言。若成踊之節。則婦人亦三踊九跳。不爵踊也。故曰辟踊哭泣

哀以送之。送形而往。迎精而反也。辟四亦反。○辟。拊心也。送形而往。魄瘞於土。迎

精而反。既葬而迎魂以歸也。其往送也。望望然汲汲然如○此自斂殯至葬第二節。

有追而弗及也。其反哭也。皇皇然若有求而弗得也。故其

往送也如慕。其反也如疑。求而無所得之也。入門而弗見

也。上堂又弗見也。入室又弗見也。亡矣。喪矣。不可復見已

矣。故哭泣辟踊盡哀而止矣。心悵焉愴焉愴焉愴焉心絕

志悲而已矣。汲汲。上時掌反。喪去聲。辟四亦反。○望望。瞻矚貌。

迎精而反而言之。入門反哭入廟門也。主人上於堂。主婦

入於室。亡無喪失也。盡哀而止。言他無所寓其情也。悵焉

失意貌。愴焉。悲切貌。愴焉。恍惚如或見也。愴焉。歎恨意而

已矣者。言他無所用其力也。○此往葬而反哭第三節。

祭之宗廟以鬼享之。傲幸復反也。祭之宗廟。謂虞祫之祭。始立之只是以鬼享之。

也。傲幸猶希冀也。冀望親之精神來歸而受享也。此就望死者之情言也。成壙而歸不敢入處

室居於倚廬。哀親之在外也。寢苦枕塊。哀親之在土也。上壙

聲苦思肩反枕去聲塊苦外反。○哀親在外對居廬言。故哀親在土對苦塊言。此就生者不能自安之情言也。故

哭泣無時服勤三年思慕之心孝子之志也。人情之實也。

卒哭以前哀至則哭。卒哭以後猶朝夕哭。皆哭泣無時也。服勤三年服行喪禮之勤三年也。前言慟怛疾痛而此言

思慕者哀以漸而平也。孝子之志言非強也。人○或問曰。情之實言非偽也。○此葬後終喪第四節也。

死三日而后斂者何也。曰孝子親死悲哀志懣故匍匐而

哭之若將復生然安可得奪而斂之也。故曰三日而后斂

者以俟其生也。三日而不生故不生矣。孝子之心亦益衰

矣。室家之計。衣服之具。亦可以成矣。親戚之遠者。亦可以

至矣。是故聖人爲之斷。決以三日爲之禮制也。爲去聲。斷

自此以下。皆設問以明禮意也。三日以俟其生。以情理言

也。室家之計三者。以事勢言也。三日而不生。則不容不斂。

而其事其勢亦可斂矣。故聖人斷而決之。以三日爲斂之期。而定其制也。

一設問以明三日而斂之義。或問

曰。冠者不肉袒。何也。曰。冠至尊也。不居肉袒之體也。故爲

之免以代之。然則禿者不免。偃者不袒。跛者不踊。非不悲

也。身有錮疾。不可以備禮也。故曰喪禮唯哀爲主矣。女子

哭泣悲哀。擊胸傷心。男子哭泣悲哀。稽顙觸地。無容。哀之

至也。免音問。下同。偃居黍反。跛浦我反。稽上聲。○始死。去

冠。及小斂。則素委貌。以將事。既斂。則投冠。括髮袒而

俛尸於堂。降堂東。卽位。踊而後襲。加絰。是後凡袒。則必去

冠。是冠者不肉袒也。免以代冠。言免而括髮可知。又言免

袒擗踊皆悲哀之所形故喪禮惟哀為主而免袒擗踊皆或可以權之有本而後有文也擊胸傷心稽顙觸地皆哀之至之所發焉者也男子亦有拊心女子亦有稽顙此各舉一節言之耳○再設問以明免袒擗踊之意或問曰免者以何爲也曰不冠者之所服也禮曰童子不總唯

當室總總者其免也當室則免而杖矣

不冠者之所服言去冠時之所服也

劉氏曰已冠者爲喪變而去冠則必著免蓋雖去冠猶嫌於不冠故加免也童子未冠故不嫌於不冠若孤子當室則雖童子亦免以其爲喪主而當成人之禮也如童子不杖以其下能病也而當室則杖童子不總幼未知疏遠之哀也而當室則總總者以其當室而爲成人之免且杖則亦可爲成人之總矣故曰總者以其免也○三設問申言免以代或問曰杖者何也曰竹桐一也故爲父苴杖苴杖冠之義也竹也爲母削杖削杖桐也杖者何問何所取義也竹桐一也苴以色言竹圓象天削以形言削方象地竹節外著桐節內含桐者同於父也○四設問以明用杖所取之

義或問曰杖者以何為也曰孝子喪親哭泣無數服勤三

年身病體羸以杖扶病也則父在不敢杖矣尊者在故也

堂上不杖辟尊者之處也堂上不趨示不遽也辟音避○

何為而用杖也父在不敢杖以尊者為母杖期則亦用杖但

傷父心且不敢僭主也然父在子為母杖期則亦用杖但

不敢以杖即位所以辟尊者之處也若父在適子為其妻

則不杖矣趨喪容急遽也父在堂上不趨亦以急遽則或

增父之哀故示以不遽也○五設問以此孝子之志也人

以申明杖之義及或杖或不杖之節情之實也禮義之經也非從天降也非從地出也人情而

已矣先王因人情而制為之節非有所加毫末於其間也總結上文服問第三十六篇內無設問之語而以服問名篇者

免於疑問者也

傳曰有從輕而重公子之妻爲其皇姑傳爲皆去聲篇內

己一本之親乃從其所尊所親之人而爲之服也孔氏曰

公子諸侯之妾子也皇姑卽公子之母也君在尊厭妾子

使爲其母練冠君死妾子得爲其母大功而妾子之妻則

不論君存沒爲夫之母期其夫練冠輕也而妻爲之期則

重是從輕而從之者重也皇君也加皇字明非女君而此

婦尊之與女君同也愚按此所從者之輕以厭故也而從

之者重其本服也凡從服輕重之權有有從重而輕爲妻

不止此數條者記每舉一以例其餘耳有從重而輕爲妻

之父母妻而爲父母期夫從有從無服而有服公子之妻爲

公子之外兄弟孔氏曰公子被厭不服己母之外家而其

總麻是從無服而有服也云外兄弟而外知非公子姑之子

者以喪服小記云夫之所爲兄弟服妻皆降一等夫爲姑

之子外祖父母妻則無服今公子之妻而又有服故知其爲公

若同宗直稱兄弟以外族故有從有服而無服公子爲其

稱外兄弟也愚按此姑闕疑

妻之父母。

孔氏曰：公子之妻亦為父母期。而公子破厭不從妻服之也。鄭氏曰：凡公子厭於君降其私親。

女君之子不降。言從服輕重之權。

○傳曰：母出則為繼母之黨服。母死則

為其母之黨服。為其母之黨服則不為繼母之黨服。

母死謂繼

母死其母謂出母也。鄭氏曰：外親亦無二統。言從服有專主。

○三年之喪既練矣。有期

之喪既葬矣。則帶其故葛帶。經期之經服其功衰。

衰七雷反篇內

並同。○三年之喪卒哭而易麻帶以葛帶。小祥而除首經。

若木練而復遭期喪則三年之首經未除。不得為後之輕

喪者。已重者特也。若三年之喪既練而復遭期喪則兼服之

前喪稍遠後喪雖輕而近練後首經已除故首可著期喪

則齊衰葬後葛帶與三年練後葛帶粗細略同。斯以父葛

為重而帶其故葛帶練後首經已除自宜經期之葛經也。若婦人練後麻帶已除則亦經其故葛經而帶期之葛帶矣。功衰謂三年既練之功衰其衰亦與期喪葬後功衰升

數略同也。○檀弓云：婦人不葛帶，此以三年之喪言也。自期以下，則婦人亦受葛。如之。小功無變也。三年之喪，既練，有大功之喪，既葬，則亦經而大功麻有本，故亦得經大功之經。若要葛，則前葛粗於後葛，自不易矣。若三年之喪，既練，而有小功之喪，則小功服輕，仍以三年練冠為麻之有本者。變三年之葛，齊衰大功，其麻皆連本為重，故三年喪期喪受葛以後，更遭齊衰大功之喪，於其初喪麻葛同者，皆得變之。若斬衰既受葛而遭齊衰，則變齊衰麻帶，齊衰既受葛而遭大功，則變大功麻帶也。所謂變者，非竟以輕喪之麻易去重喪之葛也。但包輕既練，遇麻斷本者，於免經之既免，去經，每可者於外耳。

以經必經。既經，則去之。免音問，下同。去起呂反。○小功總葛以後，更遭小功，總麻之喪，其麻既細於葛，不得兼服。但練後首經既除，故於當免之時，既去練冠，則為加小功總麻之經。免事既畢，則復練冠，亦不得更加功總之經。於練冠上也有事於免，則猶初喪。然且既經，則去之。則既葬可。

知。既練且然。則未。小功不易喪之練冠如免。則經其總小

功之經。因其初葛帶。此復申上文也。斬齊之練冠雖服已

加之。惟免時則易之而已。免既去冠。故得加輕經。而葛

帶則仍其初。不得以輕喪斷本之麻。加於重喪之葛也。總

之麻。不變小功之葛。小功之麻。不變大功之葛。以有本為

稅。稅吐外反。○總之麻與小功之葛同。小功之麻與大功

本。故必變前喪之葛。小功以下。斷本。故可不稅也。○按齊

衰之麻。不得變斬衰之葛。大功之麻。可變齊衰之葛。而大功

之麻。不得變斬衰之葛。但齊衰有三年者。故記遂概云得

變三年之葛耳。總之麻同小功之葛。小功之麻同大功之

葛。麻葛同皆當兼服之。而此云不變。則記者所聞異辭也。

蓋小功以下服輕。而後世禮俗不一。如此。要當以閒傳之

正云。殤。長中變三年之葛。終殤之月算。而反三年之葛。是

非重麻。為其無卒哭之稅。下殤則否。長上聲。○長殤降在

中殤降在總麻則其本服大功此皆非有本之重麻然殤服傳略且既降而在總則無葬後卒哭稅麻以葛之節若不為稅三年之葛則似未為之服者矣是以必以殤服之麻加服於前葛之上以終其月數此無本而亦稅者殤服之特禮也若下殤降在總麻者本服亦大功然其情益輕不必為變重喪之葛矣又按此主總麻言故云下殤則否若言小功則下殤小功本服期喪服小記云下殤小功帶澡麻不絕本為有本之麻亦當變三年之葛終月數也○言重遭喪者○君為天子三年夫人如外宗之為君也世重輕之權

子不為天子服外宗為君期夫人為天子亦服期也諸侯之世子有繼世之道不為天子服遠嫌也

君所主夫人妻犬子適婦適大音泰○夫人妻謂夫人之喪此適妻也國君主母夫人之喪此

不待言若妻則似卑矣然身之配也犬子大夫之適子為適婦皆親之後也故君皆為之親主其喪

君夫人犬子如士服孔氏曰大夫無繼世之道其子無嫌故得為君及夫人犬子著服如士服

也鄭氏曰士為國君斬小君期犬子君服斬臣從服期愚按大夫非盡不繼世然大夫之子本土也以士服服君者

其宜耳。雖諸侯之犬子亦士也。畿外疏。君之母非夫人則

羣臣無服。唯近臣及僕驂乘從服。唯君所服。服也。君母非夫人則

君為生母服總而羣臣無服。近臣闕寺之屬僕御公為卿

大夫錫衰以居。出亦如之。當事則弁經。大夫相為亦然。為

其妻往則服之。出則否。君為卿大夫之喪。既成服。則出入

則錫衰而素弁加經。大夫有同官之誼。其相為亦然。若卿

大夫之妻之喪。則君大夫之為之也。唯往至其家。則亦錫

衰而弁經。其居凡見人無免經。雖朝於君無免經。唯公門

有稅齊衰。傳曰。君子不奪人之喪。亦不可奪喪也。見賢徧

字朝音潮。稅吐活反。齊音咨。○因上文言君臣相為服而

類記此。見人往見於人也。無免經。不脫經也。雖朝君且不

臣相爲服之制。○傳曰。舉多而刑五。喪多而服五。上附下附。列也。
臯古罪字。五刑之屬。各有正條。然情變無窮。有不正合於律者。則審其情之輕重而上下比之。呂刑云。上下比罪是也。五服之喪。各有正統。然屬從徒從。有不正合於親者。則審其義之輕重而上下附之。如婦人之隆於夫家。上附也。而降其本宗。下附也。高祖三月而服齊衰。上附也。殤服之迭降。下附也。以此比例推之。而無不可通以適於義矣。故曰。列也。輕重之權。篇中未能盡述。故總揭此。以示人知所推焉。

閒傳第三十七

鄭氏曰。名閒傳者。以其記喪服之間輕重所宜。

斬衰何以服苴。苴惡貌也。所以首其內而見諸外也。斬衰貌若苴。齊衰貌若臬。大功貌若止。小功總麻。容貌可也。此哀之發於容體者也。
衰七雷反。篇內同。首去聲。見賢遍反。齊音咨。篇內同。○苴。牝麻。其色黦闇。斬衰經帶用之。首猶標也。首爲一身之表。故以爲標。表之義。言表其心之慘。但至痛以著之於外也。貌若苴。貌之垢。

毀如其色也。臬，牡麻。齊衰之經帶以臬，貌之枯槁亦如之也。若止者，止而不敢舒之意。容貌可也，言如其常度也。

斬衰之哭，若往而不反。齊衰之哭，若往而反。大功之哭，三

曲而偯。小功總麻，哀容可也。此哀之發於聲音者也。豈反於

○往而不反，哭無回聲也。往而反，一往至絕而後回聲也。三曲而偯，哭委曲而有餘聲也。哀容，哀聲之從容也。斬

衰唯而不對，齊衰對而不言，大功言而不議，小功總麻議

而不及樂，此哀之發於言語者也。唯上聲。○唯，應辭。自斬言曰言，論難曰議。

衰三日不食，齊衰二日不食，大功三日不食，小功總麻再不

食，士與斂焉則一不食。故父母之喪，既殯，食粥，朝一溢米

莫一溢米。齊衰之喪，疏食水飲，不食菜果。大功之喪，不食

醯醬。小功總麻，不飲醴酒。此哀之發於飲食者也。與斂莫皆去聲。

疏食之食音嗣○二父母之喪既虞卒哭疏食水飲不食日不食以期服言也

菜果期而小祥食菜果又期而大祥食醯醬中月而禫禫

而飲醴酒始飲酒者先飲醴酒始食肉者先食乾肉期音基乾

音干○卒哭之後視齊衰小祥之後視大功大祥之後示小功即遠之漸也中月間一月也飲醴酒食乾肉未忍遂

御厚味也此終父母之喪居倚廬寢苫枕塊不稅經帶齊上文飲食之節

衰之喪居堊室芻剪不納大功之喪寢有席小功總麻牀

可也此衰之發於居處者也枕去聲稅吐活反芻音下○

不納不反納其父母之喪既虞卒哭柱楣剪屏芻剪不納蒲之頭於內也

期而小祥后堊室寢有席又期而大祥居復寢中月而禫

禫而牀柱几呂反○柱楣以木柱起其廬倚於門梁也剪屏剪其旁障之餘草也居復寢入室而寢不居廬

也。禪而牀。則復常御婦人矣。此終上文居處之節。○以上禮節。多與他篇不合。然當以此篇爲是。斬衰三

升。齊衰四升。五升。六升。大功七升。八升。九升。小功十升。十

一升。十二升。總麻十五升。去其半。有事其縗。無事其布。曰

總。此哀之發於衣服者也。升。登也。每升八十縗。三升者。其

之幅也。正服斬衰三升。義服三升。有半。齊衰降服四升。正

服五升。義服六升。大功降服七升。正服八升。義服九升。小

功降服十升。正服十一升。義服十二升。皆生縗所織。十五

升者。終幅一千二百縗。朝服之布也。總麻之布。去其半。則

用七升半。六百縗成幅。其布本疏於大功。然鑊治其縗而

後織。非若功服之用生麻。故曰有事其縗。但成布之後。不

復練治。故曰無事其布也。外此而生縗十三升。曰疑衰。十

四升。曰麻衰。用總服之布。而復加灰治。曰錫衰。則皆弔服

也。斬衰三升。既虞卒哭。受以成布六升。冠七升。爲母疏衰

四升。受以成布七升。冠八升。去麻服葛。葛帶三重。期而小

豐已章司 卷之十 閒傳第三十七 九

祥。練冠。練緣。要經不除。為去聲。重平聲。練音茜。緣去聲。要

也。斬衰三升。冠六升。卒哭而以冠之布為衣。自六升以下

其升漸成。故曰受以成布也。凡冠縷倍衣之縷。衣六升則

冠疑於十二升。然卒哭後之冠不然。故特明言冠七升也。

疏衰即齊衰。然恐疑於杖期以下者。故特變言為母。疏衰

也。衰四升。冠七升。卒哭而以冠之布為衣。凡父母之喪。皆

卒哭而去麻服葛。男子葛帶。婦人葛經。若男子首經。婦人

要經。則不易也。葛帶三重者。先單糾一重。次兩股合糾再

重。又合糾之三重也。期而小祥。則又以卒哭之冠為衣。斬

衰衣七升。疏衰衣八升。練冠而除首經。婦人則除要經。練

緣見檀弓。衣練衣於內。而加功衰於外。男子要經不除。婦

人則首經不除也。○此主父母喪言也。然期大功皆有卒

哭。受布之節。如齊衰服五升。冠八升。則卒哭後冠十

八升。大功則服八升。冠十一升。卒哭後冠十

二升。衣十一升也。小功以上皆有去麻服葛。男子除乎首

婦人除乎帶。男子何為除乎首也。婦人何為除乎帶也。男

子重首。婦人重帶。除服者。先重者。易服者。易輕者。

男子除

小祥而

除

男子除

首經。婦人除要經。除服先重者。若男子之葛帶。婦人之葛經。則大祥而後除也。卒哭而男子易麻。帶以葛帶。婦人易麻。經以葛經。則待小祥乃一并除之。無變易也。又期而大祥。人之要經。則待小祥乃一并除之。無變易也。素縞麻衣。縞紕朝服。以祭。祭畢。乃更服縞冠素紕麻衣。而居。以餘哀未忘也。中月而禫。禫而纈。無所不佩。二十七月而故未忍。卽吉也。以祭。祭畢。乃更服纈冠素端黃裳。以居。遇四時。易服者。何吉祭而後復吉。居喪不佩。去喪則無所不佩矣。易服者。何爲易輕者也。何爲猶何故也。設問所以易輕者之故也。上之權。斬衰之喪。既虞卒哭。遭齊衰之喪。輕者包重者特。斬也。未卒哭而遭輕喪。只從重服。不得有變。哭則易服而哭之。哭已反服。若斬衰既卒哭而遭齊衰。則男子要既去麻服。葛而齊衰之麻與斬衰之葛同。前喪雖重於後喪。而麻又重於葛。是輕重相衡。可以兼服。故得以齊衰之麻包斬衰之葛。是輕者包也。若首則斬衰之經未除。不得加齊衰之輕經。是重者特也。特。猶單也。婦人則首以齊衰麻經包斬

衰葛經而要特斬衰麻帶矣。輕者包。輕故可以兼施之。輕喪重者特重。故特用於重喪。觀此。則輕者可易。而重者不可易。其意既練。遭大功之喪。麻葛重。重平聲。○斬衰未練。亦猶是矣。既練。遭大功之喪。麻葛重。而遭大功。首經未除。既未可加大功之經。而斬衰之葛。又大於大功之麻。亦不得如齊衰之輕者包。則只從重服。今既練而遭大功。則首經已除。故可加大功之經。而要葛未除。不得包大功麻帶。是則首大功麻經。要斬衰葛帶。麻與葛重。且前此既除麻。獨服葛。而今復首麻。要葛。是亦重也。婦人齊衰之喪。既虞。則首仍葛經。而要加大功之麻。亦麻葛重。齊衰之喪。既虞。卒哭。遭大功之喪。麻葛兼服之。從重服。既卒哭。而遭大功。只受葛帶。而大功之麻。與齊衰之葛。同。前喪重於後喪。而麻又重於葛。輕重相衡。故兼服之。首齊衰麻經。而要以大功麻帶。包齊衰葛帶。即所謂輕者包也。婦人則要斬衰之葛。仍齊衰麻帶。而首以大功麻經。包齊衰葛經也。斬衰之葛。與齊衰之麻。同。齊衰之葛。與大功之麻。同。大功之葛。與小功之麻。同。小功之葛。與總之麻。同。麻同。則兼服之。兼服之。

服重者則易輕者也

斬衰始喪之麻帶大七寸許五分去一以爲齊衰之帶五分去

一以爲大功之帶大功之帶五分去一以爲總麻之帶總麻之帶二寸有餘至卒哭受葛則斬衰之葛視齊衰之麻齊衰之葛視大功之麻而除無受葛之節麻與葛同則前喪雖重於後喪而麻又重於葛故皆得兼服之如大功受葛後得包小功之麻爲主不得兼服輕麻若斬衰之麻也若麻小於葛則以重喪爲首經則斬衰麻經大九寸其下以漸殺而麻葛同者則皆五分去一其卒哭婦人受葛亦以漸殺而麻葛同者則亦皆兼包於首也因言其所以得兼服者以卒哭之後男首女要服重喪而未除而男要女首之輕者則已易葛故也已易葛故麻之同於葛者得以兼服矣此與上文發問之意反復相證也○此篇言喪制詳備純一可從借疏家之說迭相譌舛有失其意者

三年問第三十八

明喪親所以必三年之故也篇中所言最爲愷惻爲人子者所宜深

玩

三年之喪何也。曰稱情而立文。因以飾羣。別親疏貴賤之

節。而弗可損益也。故曰無易之道也。

稱去聲。別必列反。○

親之情而爲之節文也。雲莊陳氏曰。人不能無羣。羣不可無別。立文以飾之。則親疏貴賤之等明矣。弗可損益者。中制不可不及。亦不可過。是所謂無易之道也。治親疏貴賤之節者。惟喪服足以盡其詳。服莫重於斬衰。時莫久於三年。故此篇列言五服之創鉅者。其日久。痛甚者。其愈遲。三年者。稱情而立文。所以爲至痛極也。斬衰苴杖。居倚廬。食

粥。寢苦枕塊。所以爲至痛飾也。三年之喪。二十五月而畢。

哀痛未盡。思慕未忘。然而服以是斷之者。豈不送死有已。

復生有節也哉。

創平聲。稱去聲。衰七雷反。枕去聲。斷丁亂反。○父母之喪。創鉅而痛甚矣。是以三年

之文所謂稱情立文也。極表也。卽制中之意也。爲至痛飾。上文所謂飾羣也。再期而大祥。實歷二十五月。喪服於是除。以哀痛未盡。思慕未忘。所以更有禭服。斷決也。夫哀痛未盡。思慕未忘。而服以是斷。是送死有已時。而復常者。有其節也。此卽所謂中制而弗可損益者也。凡生天地之間者。有血氣之屬。必有知。有知之屬。莫不知愛其類。今是大鳥獸。則失喪其羣。匹越月踰時焉。則必反巡過其故鄉。翔回焉。鳴號焉。蹢躅焉。蹢躅焉。然後乃能去之。小者至於燕雀。猶有啁噍之頃焉。然後乃能去之。故有血氣之屬。莫知於人。故人於其親也。至死不窮。號平聲。蹢直亦反。蹢直六反。啁音周。噍音啾。莫知之音智。蹢蹢跳躍貌。蹢蹢往來貌。啁噍哀鳴聲。鳥獸知喪其羣。而況於人乎。越月踰時。以言久而不能忘也。翔回啁噍。鳥獸之喪其羣也。人爲萬物之靈。甯反有不愛其類者。故先王稱情立文。因以飾羣。則喪禮所由制。而實人情之所不能自己也。雲莊陳氏曰。鳥獸知愛

其羣而不如人之能充其類。將由夫患邪淫之人與則彼此所以天地之性人爲貴也。朝死而夕忘之。然而從之則是曾鳥獸之不若也。夫焉能

相與羣居而不亂乎。夫音扶與平聲。曾音層焉於虔反。患猶害也。害於邪淫而失其天性也。

從之謂聽其忘親而不制之以禮也。制之以禮猶可以使之知人道之大閑。若從其邪淫則不若禽獸矣。無以飾羣而不若禽獸是將由夫修飾之君子與則三年之喪二十

大亂之道也。五月而畢。若駟之過隙。然而遂之則是無窮也。夫音扶與平聲。○修

飾修身復性以自飾也。愛親之心至死不窮。三年之喪亦已促矣。然欲遂其志則送死之哀無已時。而無復有復生

之節又不故先王焉爲之立中制節。壹使足以成文理。則

可爲也。釋之矣。爲去聲。○焉語辭。壹一之也。文飾羣之文。理所性之理。釋之矣。猶言斯已耳也。朝死夕忘。愚不肖之

不及也。遂之無窮。賢智之過中也。立中道而制爲之節。使喪必三年。而循乎斬衰苴杖倚廬食粥寢苦枕塊之飾。所

以齊一斯民。使愚不肖者有所閑而不入於禽獸。賢智者有所節而不至於滅性。足以成飾羣之文。而無失乎所性。之理斯已耳。此所謂弗然則何以至期也。曰。至親以期斷。可損益者。無易之道也。然則何以至期也。曰。至親以期斷。斷丁亂反。○期而小祥。再期而大祥。雖曰三年實亦以期斷也。是何也。曰。天地則已易矣。四時則已變矣。其在天地之中者。莫不更始焉。以是象之也。天地已易。天運一周也。孝子之心。不以一期而遂已。然天地之運。則已一期而更始。人世之代謝。亦猶是耳。是以一期而易服。然則何以三年也。曰。加隆焉爾也。焉使倍亦法天之道也。然則何以三年也。曰。加隆焉爾也。焉使倍之。故再期也。由上文言之。則期似可已矣。故再問何以三所生。則天運雖周。而情未能已也。痛甚者其愈遲。加隆於也。加隆焉。所以使倍之。故三年也。由九月以下。何也。至親以期斷。而三年為加隆。則期。曰。焉使弗及也。所以喪不待問矣。故舉大功以下問之。曰。焉使弗及也。所以不得比於至親。此所故三年以為隆。總小功以為殺。期九以別親疏之節也。

月以爲間

殺色介反。○因九月而畢言之間中也。以至親而加隆之則再期。因漸疏而殺之不使及期。因

在親疏之間而間之或斷以期。或稍不及於期。皆天地人情之至也。上取象於天下取法於

地中取則於人。人之所以羣居和壹之理盡矣。

三年象積閏也。期象

一周也。

九月三時也。五月二時也。三月一時也。人生三年

而免於父母之懷。九族之親則因父母而漸殺耳。合其羣

而飾之。九族皆有成服。所以合和之也。別其羣而飾之。九

族各有等差。所以齊壹之也。忘親則爭。失序則亂。制爲之

中。使有以統同而別異。故三年之喪人道之至文者也。夫

則羣居和壹之理盡矣。故三年之喪人道之至文者也。夫

是之謂至隆。是百王之所同。古今之所壹也。未有知其所

由來者也。孔子曰子生三年然後免於父母之懷。夫三年

之喪天下之達喪也。

夫音扶。達論語作通。○文者順理而成章之謂。至隆謂禮之至者也。未有

知其所由來者。言非人所能強制也。又引孔子之言以明

喪親三年之故。父母之喪無貴賤一也。故曰天下之達喪

也。

深衣第三十九

古者深衣。蓋有制度。以應規矩繩權衡。短無見膚。長無被

土。被皮寄反。○深衣。深邃之衣也。朝祭之服。衣與裳殊。惟

布用朝服之布。緣之以采。則曰深衣。緣之以素。則曰長衣。

緣之以布。則曰麻衣。著於朝祭之服之內。則曰中衣。冕服

裏弁服。中衣用素絲。皮弁服以下。中衣用布。喪服練衣黃

盡善也。無見膚。無被。續衽鉤邊。要縫半下。○鄭氏曰。續。猶

土。長短之適宜也。續衽鉤邊。要縫半下。○鄭氏曰。續。猶

屬也。衽。在裳旁者也。連屬之。不殊前後也。朱子曰。左右交

鉤。所謂鉤邊。揚氏曰。凡裳前三幅。後四幅。既分前後。則其

旁兩幅。分開而不相屬。惟深衣裳十二片。交裂裁之。皆名

爲衽。所謂續衽者。指在旁兩幅言之。謂連屬裳旁兩幅。不

殊前後也。又衣圖云。既合縫矣。又再復縫。合縫爲續衽。復

縫爲鉤邊。亦通。要縫半下。要之縫如下。齊之半也。要縫衣

深衣第三十九

可

與袞連處。七尺二寸。下齊則一。格之高下。可以運肘。袂之
丈四尺四寸。是要縫半於下也。○格之屈。○袂之屈。○袂當脇處也。運
長短。反詘之及肘。○袂之屈。○袂當脇處也。運
寸而肘度尺有九寸。故可運肘。袂袖也。袂之長短反詘帶。
之及肘。即所謂長中繼揜尺者。長衣中衣。皆深衣也。帶。
下毋厭髀。上毋厭脅。當無骨者。○厭於甲反。○劉氏曰。玉藻
紳居二焉。而紳長三尺。則帶下四尺五寸矣。深衣之帶當
無骨處。則稍近下也。○深衣之帶。於經無考。朱子家禮用
素絲大帶。亦取玉藻之文。然實朝祭之服。之帶也。土冠制
禮用緇帶。然則深衣之帶。殆亦當用緇。再繅四寸與。制
十有二幅。以應十有二月。○有音又。○制。統言衣裳之制也。
○朱子曰。讀書先文勢。而後義理。今以此文勢觀之。則所
謂十二幅。乃通一身而言也。先儒專以十二幅為裳。則不
應列於袂袷之上。蓋上衣下裳。效法天地。不應顛倒。易置
如此。況其下文。先言袂。次袷。次負繩。而後及齊。亦自有次
第。可見。絳按。袞雖交解十二片。實只布六幅。安得遂舉以
當十二月。故趙氏惠及吳興敖繼公。皆謂衣六幅。裳六幅。

其說是也。但白雲朱氏謂宜用布一幅，交解裁之。上尖下闊，內連衣為六幅。下屬於裳。王氏謂袷下施袷，萬授一亦祖其說，則愚意不然。古者衣裳皆取正幅，惟深衣之裳斜解，然裳可斜解，衣必不斜解。猶裳可間色，衣必用正色也。安得有交解為袷之制哉？且深衣三袷而布幅之廣二尺二寸，若加兩袷為六幅，則要縫長丈二尺，而布幅之廣二尺，倍要者亦失其度矣。竊以上文袷反詘及肘考之，則人身長八尺，兩手之橫如之，布幅廣二尺，二寸衣身及兩袖合得八尺八寸，減去合縫，只存八尺，僅足覆手。安能反詘及肘乎？是知衣身二幅，袷二幅，又當續袷二幅，以成六幅。但續袷之布不必盡幅，要以反詘及肘為度可耳。如此則衣六幅皆正幅，以應陽之奇。裳六幅皆交解，以應陰之耦。於十二月之制既合，而不失三袷之度。又袷之長袷圍以應短，可以反詘及肘矣。何必如加兩袷之說哉？

繩及踝，以應直。下齊如權衡，以應平。朱子曰：衣領既交，負規從脅下漸圓殺，曲袷如矩，以應方。自有如矩之象。

袷之中縫，上下相接，如繩之直。長及於故規者，行舉手以

豐已章司 卷之十 深衣第三十九 三

爲容。負繩抱方者，以直其正，方其義也。故易曰：坤六二之

動，直以方也。下齊如權衡者，以安志而平心也。五法已施，

故聖人服之。行舉手爲容，欲其周旋中禮也。直其正二句，

理不偏不倚，性命之正而方者，率性之道，莫不各有當然

之則，故負繩欲以直內而不失其正，抱方欲以方外而不

失其義也。易坤卦六二象傳之辭，言六二柔順中正，故其

由中發外者，無不直而且方。又引以證負繩抱方之意也。

物必下端平而後安，故下齊如權衡。故規矩取其無私，繩

欲人之安志而不搖，平心而不倚也。

取其直，權衡取其平，故先王貴之，故可以爲文，可以爲武。

可以爲擯，相可以治軍旅，完且弗費，善衣之次也。古者諸

侯大夫

士皆夕深衣，則深衣固燕居服，然中衣長衣實皆深衣，朝

祭之服有中衣，軍旅韋弁服當亦如之，是深衣固無往而

不用也。完謂法制之備也。弗費以其用白布也。然非朝祭

之正服，故曰善衣之次。呂氏曰：深衣之用上下不嫌同。

名吉凶不嫌同制男女不嫌同服諸侯大夫士皆夕深衣庶人吉服深衣而已上下同也有虞氏深衣而養老將軍文子之子除喪受弔練冠深衣親迎女在途而婿具父母之父母死深衣縞總以趨喪是吉凶男女同也

大父母衣純以續其父母衣純以青如孤子衣純以素純

袂緣純邊廣各寸半

大音秦純音準續音會緣去聲○具俱存也犬父母王父母也續畫文也

按朱子家禮純以黑縞衣白則純黑爲是此云以青以青黑相近而遂云然耳呂氏曰三十以下無父者可以稱孤若三十以上有爲人父之道不言孤也純袂緣純邊三事也謂袖口裳下齊衣裳邊皆純之各廣寸半也又按玉藻云袷二寸緣廣寸半則純袷亦寸半矣○參考深衣裁制布幅二尺二寸用布二幅中摺前後爲四葉每葉長二尺六寸從一邊修起除去四寸留二尺二寸漸漸修至中邊不動比修起處留長四寸其在後兩葉每葉長二尺三寸先從上摺處中邊橫剪入四寸去之是留尺八寸爲幅然後從下外邊修起留二尺二寸漸漸修至中邊比修起留長一寸是爲上衣前中長二尺六寸後中長二尺三寸者便交頤使袷不相射也又用布六幅每幅約長五尺皆斜

裁之。分爲兩片。窄頭八寸。寬頭一尺四寸。爲度。每以窄頭
向上。寬頭向下。連綴之。爲下裳。又用布二幅。各長四尺四
寸。每幅中摺爲前後葉。每葉長二尺二寸。縫連衣身。爲袂。
又用布二幅。續於袂端。如袂之式。爲繼拵尺。乃從脅下漸
漸修成圓樣。縫之。留袖口一尺二寸。不縫爲祛。續袂兩幅
者。以反拙及肘爲度也。然後合衣身。背縫縫之。衣身下圍
前兩幅各二尺二寸。後二幅各一尺八寸。合之得八尺。而
合縫之處。每幅各摺入一寸。前衿初邊亦各一寸。合減八
寸。得要圍七尺二寸。是謂深衣三袂。要縫半下。裳幅上窄
每八寸。則十二片合。廣九尺六寸。每幅各摺入二寸。合減二
尺四寸。則亦圍七尺二寸。以上摺合縫二尺四寸。則下平一
丈四尺。合廣一丈六尺八寸。減去合縫二尺四寸。則下平一
丈。承衣背督縫。摺按如繩而下。裳縫之。當左右各六之中縫。
後又復縫其邊。是謂續衽鉤邊。再於上。衣當領處。斜圍修
爲領形。卽以前於背幅所去布四寸。夾縫而綴之。爲袷。所
謂袷二寸者也。然後又用阜絹爲緣。緣袂緣袷緣下齊及
邊。表裏各廣一寸半。朱子曰。度用指尺。指尺者。屈中指節
向內。其兩紋尖相距處。卽鍼經所謂
同身寸也。紱按。周尺亦略同。指寸云。

投壺第四十

此亦古禮經之遺也。此篇所記爲大夫士投壺禮。而左傳載晉侯與齊侯燕投

壺則諸侯亦有投壺篇而今逸之矣。

投壺之禮。主人奉矢。司射奉中。使人執壺。主人請曰。某有枉矢。哨壺。請以樂賓。賓曰。子有旨酒嘉肴。某既賜矣。又重以樂。敢辭。主人曰。枉矢哨壺。不足辭也。敢固以請。賓曰。某既賜矣。又重以樂。敢固辭。主人曰。枉矢哨壺。不足辭也。敢固以請。賓曰。某固辭。不得命。敢不敬從。奉上聲。使去聲。哨七笑反。樂賓之樂。音洛。重平聲。主人奉矢。將以授賓也。司射。主投壺事者。主人之有司。爲之中。盛算之器。爲鹿形。或如虎。如兕。如闔。間。獸似驢。有一角而歧蹄。或如樹皮。樹皮亦獸名。其狀未聞。皆刻木爲之。奉中。示將以釋獲也。使人。主黨之。給使令者。枉。材不直。哨。口不正。謙辭也。投。賓再拜受。主人般還曰。壺則必以樂節之。故曰。又重以樂。

辟主人阼階上拜送賓般還曰辟。般音盤還音旋辟音避。賓西階上拜受矢時。

主人奉矢在手。未能答拜。故般還而避之。賓既拜而受矢。兩階之間。主人退適阼階拜送時。賓手又奉矢。不能答拜。則亦般還回避也。兩曰辟者。記者釋已拜受矢。進即兩楹般還之意。言此乃所以避其拜也。

間退反位揖賓就筵。主人既拜送矢。則主人之贊者授主。人矢於阼階上。主人乃退就兩楹間。

視投壺處所。又復阼階西面揖賓。使就投壺之席。先是燕席。主席阼階上。西嚮賓席。西階上。南嚮。今投壺席。則在兩

楹間。賓主司射進度壺。句問以二矢半反位設中。司射本皆南嚮也。

階之下。至賓主各受矢訖。則司射委中而受壺於使人升。西階進。即兩楹間。南嚮。量度而置壺於投壺之席前也。投壺

有室中堂上。庭中三處。其矢有五扶七扶九扶之異。要皆去投壺之席以二矢半為度。四指所握曰扶。扶廣四寸。五

扶則二尺七扶則二尺八寸九扶則三尺六寸。是室中則壺去席五尺。堂上則去席七尺。庭中則去席九尺也。既度

壺畢。乃復西階下位。東面執八算興。請賓曰。順投為入。比而設中於西階下。西。

投不釋。勝飲不勝者。正爵既行。請爲勝者立馬。一馬從二

馬。三馬既立。請慶多馬。請主人亦如之。以算形如今之籤所

投壺每各四矢。故執入算爲耦。一投之算也。司射既設中。

遂東面執矢。本順入壺者。然後爲入。若以末躍入。則不爲入。

爲入。以矢本順入壺者。然後爲入。若以末躍入。則不爲入。

不爲之釋獲也。比投不釋。以賓主拾投而中。乃爲之釋獲。

若不俟拾投而頻投二矢。則雖中亦不爲之釋獲也。正爵

即勝飲不勝之罰也。射禮投壺禮皆以三而成功。但射禮始

惟三耦射。次則三耦眾耦及主賓介僕皆射。至三射乃節

之以樂。無立馬之法。此投壺禮始投遂釋獲。所以有三勝

立馬。若射禮則初射不釋獲。至再射乃釋獲而勝飲不勝

者。所以射禮無立馬也。勝爵既行。三投皆行。爵竟也。爲勝

者立馬。取算以立馬。表其勝也。一馬從二馬。每一勝則立

一馬。三投立三馬。專三馬則成勝。但勝耦未必專遂得三

故或二勝一負。則取負耦之一馬。以足勝耦之二爲三也。

或頻獲三馬。或取足一馬爲三馬。三馬既立。則又酌酒以

慶多馬之人。馬之爲命。弦者曰。請奏狸首。間若一大師曰。

言武也能勝爲武也。命弦者曰。請奏狸首。間若一大師曰。

豐已至可。卷之十。投壺第四十。六

諾。亦司射命之也。弦者樂工奏經首以爲投壺之節也。間射禮諸侯以狸首大夫以采蘋士以采芣此投壺用樂未射禮諸侯又射禮至三射然後用樂此投壺用樂亦未知同也。左右告矢具請拾投有入者則司射坐而釋一算焉。賓黨於右主黨於左。拾其刼反。告矢具賓主之黨各受矢主居左其黨之投蓋亦如之。賓黨爲上射也。拾投則賓先主後拾投四矢也。釋算之法司射受算於執算者東面坐實入算於中橫委餘算於中之西南興俟及耦將拾投則坐取中之入算左手執之右手改實八算於中以待次耦初耦拾投則司射爲之每一入而釋一算於地賓算於南主算於北也。但射禮有釋獲者亦主黨子弟爲之此投壺禮簡以司射卒投司射執算興曰左右卒投請數。數上聲。攝釋獲云。卒投司射執算興曰左右卒投請數。每一卒投則司射二算爲純一純以取一算爲奇遂以奇算。音純。執算以告也。二算爲純一純以取一算爲奇遂以奇算。猶全奇居宜反下同。純全也。猶今數物以雙也。奇單也。猶零也。於地上取算之時一純則別而取之一算則不成純。

若左右皆成純數則以純數若餘零一告曰某賢於某若

算則止以奇數此數算之法非告辭也

千純奇則曰奇鈞則曰左右鈞某者或賓黨或主黨也賢勝也勝者合雙數則曰若

千純如十算則曰五純若止勝九算則曰九奇命酌曰請

鈞平等也左右各執一算以告曰左右鈞也

行觴酌者曰諾當飲者皆跪奉觴曰賜灌勝者跪曰敬養

奉上聲養去聲○此即勝飲不勝者也酌者勝黨之子弟

也子弟於西階上南面設豐洗解升酌坐奠於豐上當飲

者北面坐取豐上之觶奉之曰賜灌猶言賜飲也勝者正

坐曰敬養言敬以此觴奉養也皆自卑而尊人之辭也正

爵既行請立馬勝爵既行乃立馬每馬各直其算一馬從

二馬以慶直當也所立之馬各當其所慶禮曰三馬既備

請慶多馬賓主皆曰諾此又司正爵既行請徹馬此正爵

馬之爵也投壺禮畢故請徹馬而凡壺矢中算之類皆徹

之以將行無算爵也鄭氏曰飲慶爵者耦親酌不使弟子

無算多少視其坐籌。人每投四矢則四算每耦八算如在坐者十人投壺則五耦用四十算也

室中五扶堂上七扶庭中九扶。扶音膚○室中地狹堂上稍寬庭中最寬故矢有長短壺有遠近稱其地之所宜也

算長尺二寸壺頸修七寸腹修五寸口徑

二寸半容斗五升壺中實小豆焉爲其矢之躍而出也壺

去席二矢半。修長也壺形如細頸罍近口有兩耳但壺口甚小未知何以能入小豆或曰菽也可通

矢以柘若棘毋去其皮。去起呂反○呂氏曰柘棘之心實其材堅且重毋去其皮質而已矣

魯令弟子辭曰毋幟毋敖毋偕立毋踰言偕立踰言有常

爵薛令弟子辭曰毋幟毋敖毋偕立毋踰言若是者浮。音幟

呼敖倣同偕音背○幟夸大也偕立不正所嚮也踰言踰位而相與言也○有常爵謂罰爵浮滿也滿酌以罰也魯薛

令弟子之辭蓋於將投壺時先戒飭之其意同而文小異故記者并志之焉司射庭長及冠士

立者皆屬賓黨樂人及使者童子皆屬主黨長之丈反冠去聲○庭長

蓋司正也冠士既冠之士來觀禮者以對童子言故謂之冠士也立者言所立之位也樂人作樂之人不必盡替者也使者給使令之人也童子雖賓亦黨鼓○□○□○□○

常與奔走之役不敢為賓故屬主黨魯鼓○□○

○□○□○□○□○□○□○□○□○半○□○□○

○□○□○薛鼓取半以下為投壺禮盡用之為射禮魯鼓

○□○□○□○□○□○半○□○□○□○□○□○

薛鼓○□○□○□○□○□○□○□○□○□○□○

○半○□○□○□○□○□○□○鄭氏曰圓者擊鞀方者擊

鼓之與圖而記之但年代久遠無以知其得失用半鼓節為投壺用全鼓節為射禮

儒行第四十一

此篇亦見孔子家語然未必孔子之言也

魯哀公問於孔子曰夫子之服其儒服與孔子對曰丘少居魯衣逢掖之衣長居宋冠章甫之冠丘聞之也君子之學也博其服也鄉丘不知儒服與平聲少去聲衣逢之衣去聲○逢猶放也言大袂之衣其肘掖之所寬大也章甫殷冠宋殷之後故其俗猶尚之其服也鄉從宜從俗之意也周禮曰儒以道得民蓋有學術者之稱云哀公曰政問儒行孔子對曰遽數之不能終其物悉數之乃望更僕未可終也行下孟反數上聲更平聲○遽倉卒也物事也留稽留也謂久也僕僕御之人僕者久而疲倦雖更易僕御之人以俟而言猶未能盡也○此處便非孔子之言哀公命席孔子對曰儒有席上之珍以待聘夙夜強學以待問懷忠信以待舉力行以

待取其自立有如此者。席上之珍言以道自重也。夙夜強
故曰待舉。力行以業言。故曰待取。此皆所謂席珍待聘。儒
者也。有以待人之求己而已。無事於求人。所謂自立也。儒
有衣冠中。動作慎。其大讓如慢。小讓如偽。大則如威。小則
如愧。其難進而易退也。粥粥若無能也。其容貌有如此者。
易音異。○中猶正也。整飭無奇表也。慎周詳也。如慢如有
所不屑也。如偽如非由其誠也。如威嚴肅之意。如愧謹飭
之意。粥粥無能貌。○如慢如儒有居處齊難。其坐起恭敬
僞著意爲此語。非孔子之言。言必先信。行必中正。道塗不爭險易之利。冬夏不爭陰陽
之和。愛其死。以有待也。養其身。以有爲也。其備豫有如此
者。易音異。○齊難。齊莊可畏難也。首二句與上條相似。然
意主豫備。則制外養中之意也。先信言以信爲尙也。呂
氏曰。惟敬與恕。可以當天下之變。而不避。任天下之重而
不亂。豫備之至也。劉氏曰。不爭險易陰陽。非特恕也。養身

以有待有爲不爭小者近者以害大者遠者也儒有不寶金玉而忠信以爲寶不

祈土地立義以爲土地不祈多積多文以爲富難得而易

祿也易祿而難畜也非時不見不亦難得乎非義不合不

亦難畜乎先勞而後祿不亦易祿乎其近人有如此者積

四反易音異畜敕六反見音現○忠信以自實故爲寶義

以自安故爲土地祈求也文見於外故爲富畜止也難畜

不苟留也無慕乎外故難得難畜而易祿如此近人猶言接於人也儒有委之以貨財淹之

以樂好見利不虧其義劫之以眾沮之以兵見死不更其

守驚蟲攫搏不程勇者引重鼎不程其力往者不悔來者

不豫過言不再流言不極不斷其威不習其謀其特立有

如此者樂五教反好去聲沮音祖斷上聲○鄭氏曰淹謂

浸淫之劫脅也沮恐怖之也方氏曰驚猛之蟲當

濯搏之。不程量而後往。以況儒者。勇足以犯難。而無顧慮也。引重鼎。不程其力。又以況儒者。材足以任事。而有所勝也。往者不悔。非有所吝而不改也。爲其動則當理。而未嘗至於悔也。來者不豫。非有所忽而不防也。爲其機足以應變。而不必豫耳。雲莊陳氏曰。過言出於己。知過則改。故不再。流言出於人。禮義不愆。故不極。極猶終也。不斷其威言。其威容不可得而挫折也。不習其謀。言其謀必可成。不待其試而始見於用也。○不虧其義。不更其守。卽無苟得無苟免之意。驚蟲以下氣矜之。隆告儒有可親而不可劫也。子勉舍之事耳。豈可爲儒者訓哉。儒有可親而不可劫也。可近而不可迫也。可殺而不可辱也。其居處不淫。其飲食不溽。其過失可微辨而不可而數也。其剛毅有如此者。而六反數上聲。○淫。侈肆也。汎濫之意。溽。恣滋味也。沈浸之意。呂氏曰。過失可微辨而不可而數。此尙氣好勝之言也。儒者見義必爲。聞過而改。子路聞過則喜。成湯改過不吝。推是心也。苟有過失。雖怨讐且將受之。况面數乎。愚按。上特立以事爲言。此剛毅以本身言。○呂氏吳氏之於戴記。信之過焉者也。石梁王氏之於戴記。剝之過焉者也。呂氏

解記每委曲以附其說。至此語而亦有以覺其非矣。儒有忠信以爲甲冑，禮義以爲干櫓，戴仁而行，抱義而處，雖有暴政，不更其所。其自立有如此者，更平聲。○干，盾也。櫓，大干。甲冑，干櫓，皆衛身之具。冑，禮義守於外，以全其內，故曰干櫓。戴，尊也。尊仁而行，以施言也。抱義而處，以守言也。呂氏曰：首條言自立，論其所學所裕，足以待天下之用而無求。此言自立，論其所信所守，足以更天下之變而不易。二者皆自立，而有本末先後之差焉。儒有一畝之宮，環堵之室，簞門圭窬，蓬戶甕牖，易衣而出，并日而食，上答之不敢以疑，上不答不敢以詔，其仕有如此者。古者百步爲畝，方積之則正方十步也。環，周圍。牆，方丈爲板，五板爲堵。簞門，織小竹爲門扉也。窬，穿也。穿牆爲門，其形如圭也。蓬戶，編蓬草爲戶。甕，穿也。穿甕受光，圓小如甕也。易衣而出，居恆衣敝惡，必更衣乃可出門也。并日而食，并二日而得一日之食也。答之，謂禮之也。不敢以疑，不敢疑上之非誠而卻之也。不敢以詔，

不以不見答而媚上以干合也儒有今人與居古人與稽今世行之後世

以爲稽適弗逢世上弗援下弗推諛諂詔之民有比黨而危

之者身可危也而志不可奪也雖危起居竟信其志猶將

不忘百姓之病也其憂思有如此者稽起買反比必二反信音申思去聲○今

人與居親賢取友以切磋琢磨也古人與稽謂詩讀書以論世尙友也稽式法也言其上思取法於古下思垂法於

後也適猶當也援引也言上無引而進之者下無推而上之者也危起居言不得安於起居也竟信其志言志之不

可屈也樂行憂達而終不忘百姓之病是其所憂思之深而不可解者也儒有博學而不窮篤

行而不倦幽居而不淫上通而不困禮之以和爲貴忠信

之美優游之法慕賢而容眾毀方而瓦合其寬裕有如此

者上通而不困言達則有以行之而不窮於用也雲莊陳氏曰禮之體雖嚴而用貴於和忠信禮之質也故以爲

禮記章句 卷之十一 儒行第四十一 三

美優游用之和也。故以爲法。賢雖在所慕而眾亦不可不
容。毀方而瓦合者。陶瓦之事。其初則圓。剖而爲四。則其形
方。毀其圓以爲方。合其方而後圓。蓋於含容之
中。未嘗無分辨之意也。故曰其寬裕有如此者。儒有內稱
不辟親。外舉不辟怨。程功積事。推賢而進達之。句。不望其
報。君得其志。苟利國家。不求富貴。其舉賢援能有如此者。
辟音避。○不辟親。不辟怨。言其薦賢之公也。程其功。積其
事。觀其果。賢與否而後進達之。言其薦賢之不苟也。不望
其報。不望其人之報我也。得循遂也。言君用所薦之賢。使
之得行其志也。不求富貴。不望君以我能得人而報我以
富貴也。應氏曰。下不求富貴。儒有聞善以相告也。見善以相示
報於人。上不求報於國。也。爵位相先也。思難相死也。久相待也。遠相致也。其任舉
有如此者。難去聲。○久相待。謂待賢友進用而後已。與之
之同進也。呂氏曰。舉賢援能。儒者所以待天下之士也。任
舉者。所以待其朋友。義有厚薄故也。○此節所云。其風厚

矣。然後世意氣之交。矯矯之。儒有澡身而浴德。陳言而伏。
操。儒者唯義所在。不必然也。靜而正之。上弗知也。麤而翹之。又不急爲也。不臨深而爲
高。不加少而爲多。世治不輕。世亂不沮。同弗與。異弗非也。
其特立獨行有如此者。澡音蚤。呂氏曰。澡身浴德。所以
正己也。陳言而伏。入告嘉謀而順
之於外也。靜而正之者。將順其美。匡救其惡。常在於未形
故曰上弗知也。麤猶顯也。雲莊陳氏曰。翹與招其君之過
招字同。舉也。舉其過而諫之也。子政兄曰。弗急爲者。從容
開導而不失之於急切也。方氏曰。其行之高。出於自然。不
必臨深以相形。然後顯其爲高。其文之多。其所素有。不必
加少以相益。然後成其爲多。世治而德常見重。故不輕。世
亂而志常自若。故不沮。與其所以可與。不必同乎己也。非其
所可非。不必異乎己也。應氏曰。此非但處而特立於一身
亦出而獨
行於一世。儒有上不臣天子。下不事諸侯。慎靜而尙寬。強

毅以與人博學。以知服。近文章。砥厲廉隅。雖分國如錙銖。

不臣不仕其規爲有如此者。守。銚音茲。銚音殊。寬則恐失之。柔靡故又曰強毅以與人言容眾而不自失也。學無不博而服行有其要知要則非徒博矣。廉隅稜角也。文章近乎人而實行有所守。砥厲於廉隅則非飾虛文矣。十黍爲絫十絫爲銖二十四銖爲兩八兩爲鎰言人君雖裂土以祿士視如銖銖之輕而儒者必不爲祿誘也。規儒有合志同爲其規模事爲也。此亦過爲矯矯之操者。方營道同術並立則樂相下不厭久不相見聞流言不信句其行本方立義同而進不同而退其交友有如此者。樂音洛行下孟反。方者志之所嚮術卽營道之法也言其志其事無不同也並處則樂於相下而不厭則雖久與之疏而亦不爲流言所間斯志同道合之至矣然非苟爲同也其行必本於正而所守合義唯同於爲義則進而友之非同於爲義則退溫良者仁之本也敬慎者仁之地也寬裕而不與之友矣。者仁之作也孫接者仁之能也禮節者仁之貌也言談者

仁之文也。歌樂者。仁之和也。分散者。仁之施也。儒皆兼此

而有之。猶且不敢言仁也。其尊讓有如此者。孫去聲。○溫

良。易直而無私。此性情之德。仁之本體然也。敬慎所以致

功於仁。故曰仁之地。地猶基址也。寬有容裕。不迫。此以心

量言。故曰仁之作。作謂作用也。孫順也。順以接物。仁則無

不順。自然之能事也。心德全而動容周旋中禮和順積中

英華發外。則言談歌樂皆莫非其仁矣。分散謂惠施不倦

仁之所以及物也。尊讓謂儒者一以仁爲尊而不敢自足

也。儒有不隕穫於貧賤。不充詘於富貴。不愚君王。不累長

上。不閔有司。故曰儒。詘音屈。愚胡困反。累去聲。長之丈反

不隕於貧賤。亦不穫於貧賤。雖不充於富貴。亦不詘於富

貴也。鄭氏曰。愚猶辱也。累猶係也。閔病也。言不爲天子諸

侯卿大夫羣吏所困迫而今眾人之命儒也妄。句常以儒

違道也。此略總上文之意。

相詬病者。詬呼構反。○命名也。方氏曰。無儒者之行而服儒

者之服。無儒者之實。而盜儒者之名。其名儒也妄。

儒行第四十一

三

矣。以其自妄。故常爲人所詬病也。子政兄曰。相詬病者。卽儒之自相爲詆毀也。孔子至舍。哀公館之。聞此言也。言加信。行加義。終沒吾世。不敢以儒爲戲。行孟反。○方氏曰。既至舍矣。又曰館之者。具食以致其養。具官以治其事也。言加信。則不以儒相詬矣。行加義。則不以儒相病矣。○李氏曰。儒行非孔子之言也。戰國豪士所以高世之節耳。其條十有五。然旨意重複。要其歸。不過三數途而已。一篇之內。雖時與聖人合。而稱說多過。或謂哀公輕儒。孔子有爲而言。故多自夸大。以搖其君。噫。此豈所謂者哉。

大學第四十二

此篇曾子之徒所作。而簡編錯亂。宋

始援此立言。及宋仁宗天聖八年。始以此篇賜新第王拱辰等。而二程夫子實始尊信此篇。朱子又述二程之緒。而更有考訂。補格致傳一章。爲之章句。或問此篇遂與中庸並列。四子。顧白格致之說出。而陸學競相與異同。近世更有舍朱子而遠述注疏者。先清簡公曰。嘗考漢所石刻十三經。其大學篇章次。又與

鄭本互異。則鄭本之原不足據明矣。聖賢學問。相信以心。毋或為異學所撼也夫。

冠義第四十三 冠去聲。篇內並同。○孔氏曰。冠禮起

冕。是冕起於黃帝也。黃帝以前。以羽皮為冠。以後乃

用布帛。呂氏曰。冠昏射鄉燕聘。天下之達禮也。儀禮

所載。禮之經也。此謂之義者。皆述其節文。而明其制

作之義也。程子曰。內則二十而冠。雖天子亦二十而

冠。朱子家禮曰。十五至二十皆可冠。紱按。自此以下

六篇。皆據儀禮而釋其義。故辭多醕正。然漢儒筆也。

成周制禮。自天子而下。各有範圍。而典籍廢失。唯士

禮僅存。所以此記所衍釋者。亦惟此六篇耳。其士相

見及公食大夫及觀禮。亦當有義。而今亡之。至喪祭

之禮。則記中所述已多。故不復釋也。朱子黃勉齋以

此數篇附儀禮各篇之下。今仍戴記本者。以今人士

所服習在此故也。或他日釐正儀禮。終當從朱子所

定云。

凡人之所以為人者。禮義也。禮義之始。在於正容體。齊顏

色順辭令容體正顏色齊辭令順而後禮義備禮者身之

者事之所宜也以義制事以禮制心人之所以爲人而自別於禽獸也容體顏色辭令三者人之所以動於身心而接於事物者也正容體所以遠暴慢齊顏色所以尊瞻視順辭令所以遠鄙悖此恭從明聰之則所以踐形而爲盡

倫之體者形踐而以正君臣親父子和長幼君臣正父子

親長幼和而後禮義立長之丈反○以踐形者盡倫則故

冠而後服備服備而後容體正顏色齊辭令順故曰冠者

禮之始也是故古者聖王重冠未冠以前非不習禮義然

則容體之正顏色之齊辭令之順胥視此矣是禮之始也重冠所以重禮義也古者冠禮筮日

賓所以敬冠事敬冠事所以重禮重禮所以爲國本也爲

冠者加冠之人也敬重其事故不敢自專而稟命鬼神也呂氏曰禮重則人道立此國之所以爲國也故曰爲國本

故冠於阼。以著代也。醺於客位。三加彌尊。加有成也。已冠

而字之。成人之道也。

冠於阼者。據適長子言也。主人立東序端而冠。席在主人之北。位皆西嚮。

在南嚮。無著代之義矣。醺於客位。三加冠畢。易席以醺。醺席在西階之上。南嚮。客位始加緇布冠。再加皮弁。三加爵弁。其服彌尊。凡此皆以加禮而期於有成也。非適長則仍冠席以醺。不於客位矣。醺畢而降。賓乃字之。以冠者於西階下。蓋前此雖貴。亦只以名呼。至此而後字之。以其有成人之道。而敬其見於母。母拜之。見於兄弟。兄弟拜之。成人而與爲名故也。見於母。母拜之。見於兄弟。兄弟拜之。成人而與爲禮也。
見賢徧反。○冠者受醺畢。遂執脯醢適東壁。以見於母。冠畢而徧見於兄弟。母拜之者。適長子代父承祖與祖爲體。故禮之異於眾子也。兄弟
皆拜之。亦以承父後而重其禮也。
立冠立端。奠摯於君。

遂以贊見於鄉大夫鄉先生。以成人見也。

見賢徧反。○三加雀弁。既冠而

易服立端也。大夫元士之適。故得奠摯於君。鄉先生。鄉之有齒德者及致仕之老也。
成人之者。將責

成人禮焉也。責成人禮焉者。將責爲人子爲人弟爲人臣

爲人少者之禮行焉。將責四者之行於人。其禮可不重與。

少行皆去聲與平聲。○言所以以成人禮之者。將責之以

正容體齊顏色順辭令。以盡孝弟忠順之道。故加之元服。

而重其禮如此也。禮行云者。盡其禮以實有其行也。呂氏

曰。所謂成人者。非謂四體膚革異於童稚也。必知人倫之

備而不失其序之謂耳。程子曰。冠禮廢。天下無成人。故孝弟忠順之行立。而後可以

爲人。可以爲人。而後可以治人也。故聖王重禮。故曰。冠者

禮之始也。嘉事之重者也。是故古者重冠。重冠。故行之於

廟。行之於廟者。所以尊重事。尊重事。而不敢擅重事。不敢

擅重事。所以自卑而尊先祖也。順之行立之行去聲。○孝弟忠

不立。則何以成其爲人哉。非禮無以成己。非成己無以治

人。則凡與有治人之責者。皆必先以禮自成矣。而禮可不

重。歟。然責禮自冠始。故凡昏射鄉相見皆嘉禮。而冠尤爲嘉事之重者。尊其爲重事。故行禮於廟中。行禮於廟中者。稟命於祖而不敢自專之意也。朱子曰。古禮唯冠禮易行。又曰。冠禮比他禮卻易行。

昏義第四十四。期。孔氏曰。謂之昏者。娶妻之禮。以昏爲期。因名焉。必以昏者。取陽往陰來之義。往拘忌陰陽家言。選擇時日。雖

義。朱子曰。親迎以昏。納采請期以旦。琬山邱氏曰。世俗不知昏之爲義。往往拘忌陰陽家言。選擇時日。雖成禮。背謬甚矣。

昏禮者。將合二姓之好。上以事宗廟。而下以繼後世也。故

君子重之。好去聲是以昏禮。納采。問名。納吉。納徵。請期。皆主

人筵几於廟。而拜迎於門外。入揖讓而升。聽命於廟。所以

敬慎重正昏禮也。納采者。納贄以爲采。擇之始也。問名者。問女子之名。及女之母氏。而將以加之。

卜筮也。納吉者。既得吉卜而告之。將以行聘也。納徵者。束帛。儷皮。以聘。而訂昏盟也。請期。請定親迎之期日也。此五

禮已詳可。昏義第四十四。三

節皆慎重於未昏之前者也。使者立端服至。擯者出請事入告。主人如賓服出拜迎於門外。賓不答拜。揖入。儀禮注云。使者。夫家之屬也。主人則女家之宗子或其父賓。即使者也。六禮皆主人筵几於廟。將以先人之體事人。故聽命於廟也。聽命者。聽壻家來采之命也。敬之。不敢肆。慎之。不敢忽。重之。使不輕。正之。使不亂也。敬之。慎之。所以重昏禮也。父親醮子而命之迎。男先於女也。子承命以迎。主人筵几於廟。而拜迎於門外。壻執鴈入。揖讓升堂。再拜奠鴈。蓋親受之於父母也。降出。御婦車。而壻授綬。御輪三周。先俟於門外。婦至。壻揖婦以入。共牢而食。合卺而醕。所以合體同尊卑以親之也。迎先皆去聲。○及期。父醮子於西階之上。命以往迎。爾相於是。子承父命以往。男先於女。剛柔之義也。女家主。人筵几於廟。壻至。主人立端迎於門外。西面再拜。壻答拜。主人揖入。壻執鴈從。揖讓升堂。主人西面。壻北面。奠鴈。鴈本大夫所贊。而昏禮下達。蓋攝盛耳。於是女之父母亦醮女。命之。姆遂奉女以

出是壻親受昏於女之父母所謂舅姑承子以授壻也婦從壻降自西階壻揖婦升車而授之綏姆辭婦取綏升壻御車輪三周御者代之壻降乘已車先歸俟於門外婦至則揖以入此親迎之節也共牢士禮特豚也共牢台啻合體同尊卑之義也合體同尊卑所以親之也敬慎重正而后親之禮之大體所以成男女之別而立夫婦之義也男女有別而后夫婦有

義夫婦有義而后父子有親父子有親而后君臣有正故

曰昏禮者禮之本也夫禮始於冠本於昏重於喪祭尊於

朝聘和於射鄉此禮之大體也夫音扶朝音潮○敬慎重

者親迎以後之事也男女自其未親以前言之也夫婦自

其既親以後言之也男女人之大欲而別之不容不嚴苟

親之也無道則其爲親也易離易歸妹所謂永終知敝也

故敬慎重正而后親之親之如此其難者夫閑有家女致貞

之別而立夫婦之義也夫婦謂之義者夫閑有家女致貞

淑不徒恩愛之而已也有夫婦而后有父子夫婦無義則

父子不親。若衛莊致子完之弑。漢武釀戾子之誅。是矣。父子者。家之君臣。君臣者。國之父子。無以齊家而安能正國哉。是故昏禮者。人倫之本也。此總結上文兩節之意。冠喪祭朝聘射鄉。則又因昏禮而并推言之也。夙興婦

沐浴以俟。見質明。贊見婦於舅姑。婦執筭棗栗段脩以見

贊醴婦。婦祭脯醢。祭醴成婦禮也。

見賢徧反。筭音煩。此昏之明日也。質明正明。

之時也。贊相禮者。筭形似筭。編竹葦爲之。而衣以青緇。所以盛棗栗段脩者。婦奠贊於舅姑。舅姑醴婦。舅席昨階上。東面。姑席於舅之北。南面。設婦席於姑席之西。南面。贊者酌醴獻婦。婦西階上北而拜受。贊西階上北面拜送。婦升席。南面。祭脯醢。祭醴降席。東面跪啐酒。奠爵拜贊答拜。婦拜。奠升席奠解於薦東。蓋醴婦者。於其初見而禮之也。成婦禮者。成其舅姑入室。婦以特豚饋明婦順也。此盥饋之爲婦之禮也。舅姑入室。婦以特豚饋。明婦順也。此盥饋之行之。婦家具特豚致之。陳於中庭。舅姑入室。並席於奧。東面。南上。婦入室盥饋。以特豚合升而分載之。左胖爲舅俎。右胖爲姑俎。婦立姑後以佐食。卒食。婦遂。厥明。舅姑共饗。餽姑之餘。明婦順者。明順以致養之道也。

婦以一獻之禮奠酬舅姑先降自西階婦降自阼階以著

代也

厥明又盥饋之明日也此禮亦惟家婦行之但儀禮

位贊者

以舅命酌酒獻婦於西階上婦拜受贊拜送婦升

席祭脯醢

祭酒酌酒皆如昨日乃降席西階上北面跪卒

爵拜興盥

洗爵酌酒進奠於舅姑前復西階上拜送舅受

酢卒爵

姑洗爵酌酒進奠於舅姑前復西階上拜送舅受

爵酌爵

西階上自飲畢復洗爵酌酒以奠酬於姑席之西

復西階

上拜送姑自席前北面奠爵於薦東是舅獻姑酬

共成一

獻之禮也舅姑先降自西階婦降自阼階所謂授

之室也

方氏曰子之代父將以爲主於外婦之代姑將以

爲主於

內故此與冠成婦禮明婦順又申之以著代所以

禮皆言

以著代也

重責婦順焉也婦順者順於舅姑和於室人而後當於夫

以成絲麻布帛之事以審守委積蓋藏是故婦順備而後

內和理內和理而後家可長久也故聖王重之

委積藏皆去聲○禮

以本身言順以事人言申重也著代則委以治家之責矣婦德莫先於順教之詳而位之重皆所以重責婦順焉也夫之娶婦所以共事父母而宜室家不順於舅姑和於室人則不足以匹其夫矣化治絲枲織布帛審出入而守其積聚皆內政而主於婦人者也當於夫而後可以主內政不足當於夫又何以主內政哉蓋以禮自盡以順事人此婦之所以順舅姑而和室人者也皆是所謂順也當於夫而主內政又所以盡婦職而膺著代之重者也情之相親理者分之以不亂家可長久者丙治之有主閨門之中恩義交致則持家長久之道矣此又總結上三節之意也方氏曰於舅姑言順於室人言和者上下相從謂之順可否相濟謂之和舅姑可順而不可逆室人當和而不必同是故古者婦人先嫁三月祖廟未毀教於公宮祖廟既毀教於宗室教以婦德婦言婦容婦功教成祭之牲用魚芼之以蘋藻所以成婦順也又承上文而推始言之祖廟未毀者與君同高祖有服之親也故教於公廟教使女師教之周禮嬪及世婦有卿大夫之職而宗伯掌之者是也祖廟既毀則於公疏矣故教於宗

室。別子爲祖。繼別爲宗。宗室者。其宗子之家廟也。德貞順言。辭令容。婉婉功。絲麻也。祭之。蓋祭其所自出之祖也。魚及蘋藻。皆水物。陰類也。芼之。爲羹也。古者天子后立六宮。三夫人。九嬪。二十七世婦。八十一御妻。以聽天下之內治。以明章婦順。故天下內和而家理。天子立六官。三公。九卿。二十七大夫。八十一元士。以聽天下之外治。以明章天下之男教。故外和而國治。故曰。天子聽男教。后聽女順。天子理陽道。后治陰德。天子聽外治。后聽內職。教順成俗。外內和順。國家理治。此之謂盛德。言古者則自古爲然。不必周制也。天子后。謂天宮。蓋九嬪治事之官也。周禮無三夫人之職。蓋三夫人以比天子之三公。以九嬪兼之。如六卿之兼三公也。周禮九嬪掌婦學之法。以教九御。蓋比天子之九卿也。天子九卿而只六官者。冢宰。司徒。宗伯。司馬。司寇。司空。各有官屬。而

少師少傅少保三孤貳公弘化無官屬后有九嬪而只六宮亦猶是也。周禮具世婦之官而不列其數。鄭氏以爲君子不苟於色有婦德者充之無則闕也。世婦職掌祭祀賓客喪紀之事是比於天子之大夫也。御妻卽周禮女御歲時獻功事比於天子之士也。蓋王后教宗女於王宮策畿內之命婦以至女史婦功絲枲各有典司酒漿醢醢各有女奚是天下之內治自后倡之然凡以明章婦順而已也。若天子之大夫則周禮不止二十七人治外之事煩非必規規內外合數也。聽猶主也治是故男教不脩陽事不得理之也。陰德卽婦順之德也。適見於天日爲之食。婦順不脩陰事不得適見於天。月爲之食。是故日食則天子素服而脩六官之職。蕩天下之陽事。月食則后素服而脩六宮之職。蕩天下之陰事。故天子之與后猶日之與月。陰之與陽相須而後成者也。天子脩男教父道也。后脩女順母道也。故曰天子之與后猶父之

與母也。故為天王服斬衰服父之義也。為后服齊衰服母

之義也。

適音責。見賢。徧反。為去聲。衰七雷反。齊音咨。鄭氏曰。適之為言責也。蕩蕩條其穢惡也。朱子曰。日

月之食。皆有常度。然王者脩德行政。能使陽盛足以勝陰。陰衰不能侵陽。則日月之行。雖或當食。而月常避日。所以有常食不食也。若國無政。不用善。使臣子背君父。妾婦乘其夫。小人陵君子。夷狄侵中國。則陰盛陽微。當食必食。雖日月有常度。而實為非常之變矣。清簡公曰。日月陰陽相須而後成。月受日光以為光。日以月之晦朔弦望積十二月而成歲。功后賴天子之刑家。天子賴后之內助也。葉氏曰。日月之食。所常有也。反之陰陽之事者。躬自厚之道也。天子有父道。后有母道。為父母服。報其恩也。為天子后服。報其義也。愚按。以承天言。故曰天子以對天下言。則曰天。王此及上節。皆因昏禮而推致言之也。

鄉飲酒義第四十五

鄉飲酒有四。司徒三年大比。賓興賢能。鄉老及鄉大夫率其吏

與眾以禮賓之。飲於州序。一也。州長以時習射。率州眾先行飲酒禮。二也。卿大夫飲國中賢者。亦以此禮

禮記章句 卷之十

三

行之三也。黨正歲終國索鬼神而祭祀。則以禮屬民。飲酒於黨庠。四也。呂氏曰。鄉人凡有聚會。皆當倣此。禮又不特。

四事云。

鄉飲酒之義。主人拜迎賓於庠門之外。入三揖而後至階。三讓而後升。所以致尊讓也。盥洗揚觶。所以致絜也。拜至拜洗。拜受拜送。拜既。所以致敬也。尊讓絜敬也者。君子之所以相接也。君子尊讓則不爭。絜敬則不慢。不慢不爭。則遠於鬪辨矣。不鬪辨則無暴亂之禍矣。斯君子所以免於人禍也。故聖人制之以道。鄉人士君子。遠道皆去聲。○黨。遠道也。學記曰。黨有庠。主人。即黨正。蓋於蜡而屬民飲酒也。然此概舉一端以釋義。非專主黨正言之。盥洗揚觶者。主人將獻賓而先盥手。洗爵。乃舉觶也。拜至者。賓主升堂。主人於阼階上北面再拜也。拜洗者。主拜至訖。取爵降洗。升賓於西階上北

面再拜也。主人拜賓洗亦如之。拜受者。主人獻賓。賓西階上拜受爵也。主人拜受賓酢亦如之。拜送者。主人阼階上拜送爵也。賓酢主人亦如之。既盡也。拜既者。賓飲卒爵拜也。主亦如之。尊。尊人讓。自卑洗。以盡絜。拜。以將敬。尊讓絜敬。君子所以免於鬪。辨暴亂之禍。故聖人制其禮。以導鄉人。士君子使之皆以尊讓絜敬。成風而免禍也。鄉人士君子。概言之。不必。尊於房戶之間。賓主共之也。尊有立酒。貴指州長黨正。

其質也。羞出自東房。主人共之也。洗當東榮。主人之所以

自絜而以事賓也。

人共之。共音供。尊於房戶之間。尊在戶東。東房之西。賓主夾之。不敢專惠之。

意也。北面設尊。立酒在左。是尚其質素。不忘古也。黨正屬民飲蜡。應無立酒。此雜舉釋義。不主一端也。主人共之。出羞以共賓也。榮。屋翼也。設洗於庭。當屋之東翼。賓亦與盥洗焉。然在東者。主於主人之絜以事賓也。此節舉陳設器饌而賓主象天地也。介饌象陰陽也。三賓象三光也。

饌音釋之。

天道至教。賓以象之。示人以周行者也。地卑而養人。主以象之。養賢者也。介。賓之副也。饌。鄉先生大夫之來觀禮者。

禮記章句

卷之十

鄉飲酒義第四十五

三

也。介以輔賓。僕以輔主人。猶陰陽之闔闢往來於兩間。以布其氣化也。三賓。眾賓之長也。其席在賓席之西。南嚮。三光。星之大而光者。謂北斗心參伐也。三光垂象於天。三賓席於賓西。亦與示教之事者也。讓之三也。象月之三日而成魄也。月體無光。受日之光以爲光。魄者其本體也。然月體不可見。唯於朔後三日夕見西方。則其魄可見。過此則明漸盛而魄隱矣。是月以三日而成魄也。讓以三而禮成。禮猶體也。不三讓則辭遜之心不見。過於三焉。則又虛文繁而辭遜之心又反不可見矣。是讓之三也。亦猶月之三日而成魄也。四面之坐。象四時也。主僕賓介之坐席也。天地嚴凝之氣。始於西南而盛於西北。此天地之尊嚴氣也。此天地之義氣也。天地溫厚之氣。始於東北而盛於東南。此天地之盛德氣也。此天地之仁氣也。主人者。尊賓。故坐賓於西北而坐介於西南。以輔賓。賓者。接人以義者也。故坐於西北。主人者。接人以仁。

以德厚者也。故坐於東南而坐僎於東北以輔主人也。仁義接賓主有事。俎豆有數。曰聖。聖立而將之以敬。曰禮。禮以體長幼。曰德。德也者得於身也。故曰古之學術道者將以得身也。是故聖人務焉。此節則以氣化之流行於四方者言也。嚴肅凝成也。一陰生於午中。至申而陰始用事。至亥而陰盛。天氣寒肅。百物畢成。各正性命。保合太和。所謂義氣也。義之爲體尊嚴。主人尊賓。故坐賓於西階之上。南嚮而坐。介於賓席之南。東嚮以輔賓。賓以成人之德爲義。是以居嚴肅之方也。一陽生於子中。至寅而陽氣畢達。至巳而盛。天氣溫煖。百物生長。雲行雨施。品物流形。所謂仁氣也。主人以物養人。是接人以仁。故坐於阼階之上。西嚮爲盛德之方而坐。僎於主人之北。南嚮以輔主人也。主人接人以仁。賓接人以義。主人以養賢爲事。賓以教人爲事。一坐席之間而深義存焉。至於俎豆則有脊。胾。肩。臠之別。豆則有六。五。四。三之數。是義類之通微而無不通。故曰聖也。通其義而敬行之。以盡其義。斯謂之禮。蓋禮者體也。履

也。體仁義敬讓之道。以嘉尊卑長幼之會。而各得其體。則是其有得於身者矣。故謂之德。在物曰道。行道曰術。學術道者。亦求其有得於身而已。故聖人務祭薦。祭酒。敬禮也。爲飲酒之禮。所以率天下而一道德也。祭薦。祭酒。敬禮也。齊肺。嘗禮也。啐酒。成禮也。於席末。言是席之正。非專爲飲食也。爲行禮也。此所以貴禮而賤財也。卒解。致實於西階上。言是席之上。非專爲飲食也。此先禮而後財之義也。先禮而後財。則民作敬讓而不爭矣。齊才細反。啐七內反。爲去聲。○主人獻賓。賓卽席坐。左執爵。右祭肺醢。奠爵於薦西。興取肺坐。卻左手執本。右手絕末以祭。尚左手。右手自下絕肺。齊之。興加餘於俎。坐。執手。執爵。遂祭酒。興退席末坐。啐酒。興降席西坐。奠爵。拜告旨。主人答拜。賓執爵。興適西階上。北面坐。卒爵。興坐。奠爵。拜既爵。主人受酢之禮。亦大略如之。薦肺醢也。齊食入齒也。啐。飲入口也。席末。席西頭也。言賓之祭薦祭酒者。所以敬主人之禮也。祭肺而遂齊之者。所以嘗主人之禮也。啐酒者。所以成主人之禮也。然不於席之正。啐酒。而

必退席末者。則以啐酒飲食之道。而席之正。所以行禮。貴禮而賤財。故啐酒不於席之正也。財。卽謂飲食也。致實。謂告既爵也。啐酒於席末。則猶在席上。卒解告既爵。則於西階之上。而不在席上。先禮而後財。故卒解不於席之上也。此節承賓主有事言之。呂氏曰。人之所以爭者。鄉飲酒之無禮而志於財也。知先禮而後財。則敬讓行矣。鄉飲酒之禮。六十者坐。五十者立。侍以聽政役。所以明尊長也。六十者三豆。七十者四豆。八十者五豆。九十者六豆。所以明養老也。民知尊長養老。而後乃能入孝弟。民入孝弟。出尊長養老。而後成教。成教而後國可安也。君子之所謂孝者。非家至而日見之也。合諸鄉射教。諸鄉飲酒之禮。而孝弟之行立矣。長上聲。養弟皆去聲。謂孝之孝。當作教。○聽政役。猶言共奔走也。豆從耦數。此十年而加一豆者。非禮之常。蓋黨正屬民飲酒。以正齒位。則其數如此也。尊主於敬。義之事也。養主於愛。仁之事也。老近於親。明養老而

民知孝矣。長近於兄。明尊長而民知弟矣。此節又承前節。俎豆有數言之。○自尊於房戶以下至此。先言陳設之事。次言飲酒之人。次言揖讓之節。次言坐席之位。次孔子曰。言飲食之禮。次言俎豆之數。釋義最有次第云。孔子曰。吾觀於鄉而知王道之易易也。易音異。○鄉謂鄉飲酒禮。平易之至也。蓋即目前之近。庸行之常。主人親速賓及介。而眾賓自從之。至於門外。主人拜賓及介。而眾賓自入。賁賤之義別矣。速猶夙也。召也。先期。主人戒賓矣。及期復朝服而速賓及介。主人先歸以俎。而賓介從之。眾賓則不待速而自從。賓介以偕至也。及賓至門外。主人出迎賓。西面再拜。賓答拜。主人嚮介再拜。介立。賓後有東北面答拜。主人揖眾賓。主人遂以賓揖。先入門右。賓厭介及眾賓。入門左。是主人拜賓及介。而眾賓自入也。貴謂賓及介賤。謂眾賓。凡此三揖至於階。三讓以賓升。拜至獻酬皆所以別貴賤也。

辭讓之節繁及介省矣。至於眾賓升受坐祭立飲不酢而

降。隆殺之義辨矣。

省所梗反。殺色介反。○主人揖讓以賓升而拜至。主人獻賓。賓酢主人。主人又

酌自飲而復酌以酬賓。中間拜洗。拜送。拜受。拜告。旨。拜既爵。拜崇酒。辭讓之節至繁。及賓既奠。酬主人降。拜介。揖讓

以介升。則不拜至。介受獻。不啐。不告旨。無酬爵。其禮省於賓矣。主人既受介酢。遂降。西南面。三拜眾賓。眾賓西階下。

東面。各答一拜。主人升。酌酒。獻三賓於西階上。三賓以次升。受坐祭。立飲。不拜。既爵。不酢而降。其節益省。其餘眾賓

則主人獻之於西階下。皆不拜。工入升歌三終。主人獻之受爵。坐祭。立飲。此隆殺之辨也。工入升歌三終。主人獻之。

笙入三終。主人獻之間歌三終。合樂三終。工告樂備。遂出。

一人揚觶。乃立司正焉。知其能和樂而不流也。

間去聲。和樂之樂音。

洛○工歌工也。終一闋也。獻酬禮畢。則以樂樂賓。工入升堂。弦歌鹿鳴。四牡。皇皇者華。是為升歌三終。主人酌酒獻

工。工不興。左瑟一人拜受。主人拜送。餘工則使人獻之。笙吹笙者也。笙入立於懸間。奏南陔。白華。華黍。是為笙入三

終。主人酌酒獻笙。笙一人拜於下。升受爵。眾笙亦使人獻之。間代也。堂上工歌魚麗。堂下笙奏由庚。工歌南有嘉魚。

笙崇丘。工歌南山有臺。笙由儀。是爲間歌三終。合歌笙並作也。堂上工歌關雎葛覃卷耳。堂下笙鵲巢采芣采蘋。是爲合樂三終。每三終則工告於樂正。及樂備則樂正以告於賓。先是樂正立西階上。歌工之東。至樂備而樂正以告乃遂出。不復升堂矣。一人揚觶者。先是獻眾賓。既畢時主人之吏一人下取觶。升自阼階。酌酒適西階上。拜。自飲。拜興。降。洗。升。酌酒奠於賓席西。復西階上。拜送。蓋舉此觶爲旅酬始。及樂備之後。將行旅酬。則主人立相者爲司正。恐旅酬有懈情失節者。故立司正以董之也。但一人揚觶在樂賓前。立司正在樂備後。此以類分述耳。笙歌之有序。飲酒之有節。皆和賓酬主人。主人酬介。介酬眾賓。少長以齒。樂而不流也。

終於沃洗者焉。知其能弟長而無遺矣。少去聲。長上聲。弟去聲。○司正既奠

解庭中。遂升立西序以相旅。於是賓舉薦西之觶。適阼階上。自飲畢而更酌以酬主人。主飲卒。觶更酌適西階上。酬介。介酬長賓。長賓酬次賓。次賓酬三賓。此皆堂上相酬之序。若有僕則主人酬僕。而後僕酬介也。三賓卒。解更酌以酬堂下長賓。賓酬贊者。贊酬眾賓。以下皆少長以齒。升受酬於西階上。終於沃洗者焉。受酬以齒。弟長之道也。終於

沃洗者。使亦得以伸。降。說屨升坐。脩爵無數。飲酒之節。朝
其敬。弟長而無遺也。

不廢朝。莫不廢夕。賓出。主人拜送。節文終遂焉。知其能安

燕而不亂也。說吐活反。廢朝之朝音潮。莫音暮。○旅酬之

是主人請賓坐。賓辭以俎。乃徹俎。賓主皆降。說屨升坐。脩

無算爵。以醉爲度。然飲酒之節。聽朝而始行禮。禮終猶可

以治夕事。是不以飲酒而廢事也。及賓之出也。主人拜送

於門外。節文終遂而無闕。不以醉而愆儀。此皆安燕而不

亂也。貴賤明。隆殺辨。和樂而不流。弟長而無遺。安燕而不亂

此五行者。足以正身安國矣。彼國安而天下安。故曰。吾觀

於鄉而知王道之易易也。行下孟反。餘音義見前。○別異

敦樂而無憂。禮備而不偏。以之爲己。則順而祥。以之爲人。

則愛而公。以之爲心。則和而平。以之爲天下國家。則無處

而不當。王道之易易也如此。總結上文。

鄉飲酒之義。立賓以象天。立主以象

地設介。撰以象日月。立三賓以象三光。古之制禮也。經之

以天地。紀之以日月。參之以三光。政教之本也。

上段孔子之語。蓋綜

鄉禮始終言之。此以下復記者立言。以申前段之意也。日月猶陰陽也。天地有定體。而日月爲之紀。以定四時成歲。參以三光。則又以定節氣之早晚。如日永星火日短星昴之類。凡王者政教皆必本乎此。鄉飲酒之禮蓋亦然耳。

亨。狗於東方。祖陽氣之發於東方也。洗之在阼。其水在洗

東。祖天地之左海也。尊有玄酒。教民不忘本也。

燕飲之牲用狗。亨狗

於堂東北。折俎出自東壁以升。祖宗之以爲法也。陽氣始於東北。養萬物者也。故亨狗東方。所以法之也。洗在阼階下。東當東榮。醴水在洗東。前言主人之所以自潔。賓必南

以事實。以義言也。此言祖天地之左海。以象言也。賓必南

鄉。東方者。春。春之爲言蠢也。產萬物者。聖也。南方者。夏。夏

之爲言假也。養之。長之。假之。仁也。西方者。秋。秋之爲言愁

也。愁之以時察守義者也。北方者，冬。冬之爲言中也。中者，

藏也。是以天子之立也，左聖，鄉仁，右義，偕藏也。鄉去聲，長

愁如字。賓席南鄉。此節專以賓席言之。蓋羣生動貌。產萬物者，聖言氣化之發育萬物，無微不通。蓋資始統天之

意也。假大也。長養萬物而大之。仁之顯也。愁猶愀也。愀然收斂貌。愁之以時察守義，言斂之仁以共時。察其物宜而使

固守之。亦各正性命之意也。中者，空洞之意。藏，所謂藏諸用也。天子南面而立，取法天地，鄉仁而偕藏。藏用於身，顯

仁於物也。呂氏曰：天子南面而介，必東鄉。介賓主也。亦在立而坐，賓亦如之。尊賓之至也。介必東鄉。介賓主也。亦在

西方。而介與主人相嚮。主人必居東方。東方者，春。春之爲是介於賓主之間也。

言蠡也。產萬物者也。主人者，造之。產萬物者也。造七到反。造，卽也。

主人卽席於此。以養物爲義也。○張子曰：坐有四位者，禮不主於敬主，欲以尊賢。若賓主相對，則是主於敬主矣。故

其位賓主不相對，坐介僎於其間，以見賓賢之義。月者，三因而說四時之位皆有義。其實欲明其尊賢耳。

日則成魄。三月則成時。是以禮有三讓。建國必立三卿。三

賓者。政教之本。禮之大參也。天地之氣數多。以三為節。政

皆所以參法天地也。

射義第四十六

射禮有三。天子將祭而選士澤宮。曰

天子燕諸侯。因之而射。則曰燕射。若賓興賢能。及州

長習射。及大夫飲國中賢者。皆先行飲酒禮而後行

射禮。則曰鄉射。大射則張皮侯而射鵠。賓射則張布

侯而射正。賓射即燕射。鄉射也。今儀禮存大射鄉射

二篇。儀節略同。此篇錯舉釋義。不主一端。要不外觀

德之意也。夏殷射禮無傳。而虞書曰。侯以明之。則合

士於射以觀其德也。由來古矣。

古者諸侯之射也。必先行燕禮。卿大夫士之射也。必先行

鄉飲酒之禮。故燕禮者。所以明君臣之義也。鄉飲酒之禮

者所以明長幼之序也。

長之丈反。○行燕禮而後射。所謂

鄉射也。射者武事。而必以禮合之。故燕射。即以明君臣之義。鄉射。即以明長幼之序。先王以禮教民之意。亦可見矣。

故射者進退周還必中禮。內志正。外體直。然後持弓矢審

固。持弓矢審固。然後可以言中。此可以觀德行矣。

還音旋。中去聲。

行下孟反。○方氏曰。進退者。升降之節。周還者。揖讓之容。內志正。而後持弓矢審。外體直。而後持弓矢固。惟固也。故其力能至。惟審也。故其巧能中。丹崖陳氏曰。動必合禮。而志正。體直。有德行者也。故於此可以觀德行。○此二節言射之比。其節。天子以騶虞為節。諸侯以貍首為節。卿大夫於禮也。其節。天子以騶虞為節。諸侯以貍首為節。卿大夫

以采蘋為節。士以采芣為節。騶虞者。樂官備也。貍首者。樂

會時也。采蘋者。樂循法也。采芣者。樂不失職也。

節。奏樂以。為發矢之。

節度也。周禮射人職云。騶虞九節。貍首七節。采蘋采芣皆五節。節雖多寡不同。而皆四節以盡乘矢則同。如騶虞九

節則先奏五節以聽。後四節則發四矢。七節者。三節以聽。五節者。一節以聽也。騶虞采蘋采芣。皆召南篇名。狸首詩逸。然其所以播之樂而為節者。則皆不可考矣。騶虞樂官備者。蓋騶虞之詩。文王德化之成。良以文王之臣。疏附先。後奔奏樂務各有其人。是以德化之施。無遠不屆。是則樂官備之意也。狸首詩無考。而舊說以下文曾孫侯氏當之。則樂會時之義為近。采蘋詩有循序有常。嚴敬齊飭之意。故取以見循法之義。采芣詩有風夜在公之語。故借以為不失職之義。皆斷章取義。然也。又按吳氏以原壤登木之歌為狸首詩。謂射節詩皆召南。而曾孫侯氏之詩則雅體。非風體也。然是故天子以備官為節。諸侯以時會天子為節。卿大夫以循法為節。士以不失職為節。故明乎其節之志。以不失其事。則功成而德行立。德行立則無暴亂之禍矣。功成則國安。故曰射者所以觀盛德也。行下孟反。○以是為可守之常。如左傳言得國非吾節之節是也。志猶意也。明其志。知之真也。不失其事。守之力也。天子知人則哲。

無曠庶官。諸侯凜王章而謹侯度。卿大夫各循其法而不失職。內之所以立德行者。卽外之所以成事功。然非心與之融者。或不能有以比其節也。和順於樂焉。是故古者天則其德盛矣。○此二節言射之比於樂也。

子以射選諸侯卿大夫士。

孔氏曰。諸侯繼世而立。卿大夫有功乃升。非專以射而選。但既

爲諸侯卿大夫。及考其德行。更以射辨其才藝之高下。非謂直以選射補用之也。愚按。以射選諸侯。如下文慶讓是也。卿大夫士則皆自爲士始。而大學教國子。秋合諸射。賓興賢能。合諸鄉射。是以射選卿大夫士矣。惟射可以觀德。故古之選射者。男子之事也。因而飾之以禮樂也。故事之士以是也。

盡禮樂而可數爲以立德行者莫若射。故聖王務焉。

數色角反

行下孟反。○射本男子之事。因其所有事而納之禮樂。所以使之習而安焉。以養成其德也。蓋冠昏喪禮不兼及樂。而專於學樂。又未必兼夫禮。朝聘祭饗之大。士庶或未得與。而冠昏喪禮又非所數爲。故事之備禮樂而可數爲以立德行者莫如射。此聖王因人所有事而飾之以禮樂之意也。○此兩節總結上文四節之意也。呂氏曰。君子敬以

直內義以方外。所存乎內者敬。則所以形乎外者莊矣。內外交養。則發乎事者中節矣。射一藝也。容比於禮。節比於樂。發而不失正鵠。是必有樂於義理。久於敬恭。用志不分。之實而後可以得之。所以得之者。其爲德可知矣。愚按。致禮所以治躬。致樂所以治心。先王之教。不越二者。射者。男子之事。因卽其事而飾之以禮樂。則無事而不在禮樂矣。是故於飲。則又拜獻酢酬。於射。則自比耦升射下飲。及拾取矢。進退周旋揖讓。其爲節至繁矣。乃復以樂節之。使之應聲而發。先王豈故以繁且久者。勞人筋骨哉。所以養人之身心。而使之安於序和故也。顧射禮之繁如此。則非敬以直內。義以方外者。必有不能習而安之者矣。故能中而不比。於禮樂德未可知也。比於禮樂而不能中。德亦未可知也。何也。以其未能安焉。故無以兼合也。得於禮樂者。深而久而安焉。斯動容周旋中禮。志正體直。持弓矢審固。而發而皆中者。且不失乎樂之節。蓋優游有餘暇矣。非盛德者孰能若是。舍是而言中。雖中技也。不然。則后羿逢蒙。非善射哉。嗚呼。其道古矣。是故古者天子之制。諸侯歲獻貢士於天子。天子試之於射宮。其容體比於禮。其節比於樂。而中多者。

得與於祭。其容體不比於禮。其節不比於樂。而中少者。不
得與於祭。數與於祭。而君有慶。數不與於祭。而君有讓。數
有慶。而益地。數有讓。則削地。故曰射者。射爲諸侯也。是以
諸侯君臣盡志於射。以習禮樂。夫君臣習禮樂。而以流亡
者。未之有也。比中與皆去聲。數。色角反。夫音扶。○承上文。比合也。讓。責也。射。則選士。所選者。雖在。所貢之士。而平日率士
諸侯之義。以射選士。所選者。雖在。所貢之士。而平日率士
以盡志於射。以習禮樂。則由於國君所貢。非其人。則國
君之不盡志於射。以習禮樂。則由於國君所貢。非其人。則國
典。故諸侯君臣盡志於射。以習禮樂。則由於國君所貢。非其人。則國
亡者。以無禮樂故耳。君臣習於禮樂。則分定而情和。夫安
有流亡者。先王使諸侯君臣盡志於射。以習禮樂。則分定而情和。夫安
諸侯而使不陷於流亡也。此即射爲諸侯之義也。鄭氏曰。
三歲而貢士。舊說大國三人。次國二人。小國一人。孔氏曰。
書傳曰。古者諸侯之於天子也。三年一貢士。一適謂之好
射義第四十六

德再適謂之賢賢三適謂之有功一不適
謂之過再不適謂之傲三不適謂之誣故詩曰曾孫侯

氏四正具舉大夫君子凡以庶士小大莫處御於君所以

燕以射則燕則譽言君臣相與盡志於射以習禮樂則安

則譽也是以天子制之而諸侯務焉此天子之所以養諸

侯而兵不用諸侯自爲正之具也處上聲○此逸詩也○曾孫有國者之通稱侯氏

諸侯也四正謂燕而獻賓獻君獻卿獻大夫四者爲正爵也具皆也四獻皆畢而後射也莫處勿安處也燕謂燕禮

射卽燕射也燕安譽樂也引詩以證上文之說安卽無流亡譽卽有慶也養諸侯者煦嫗而涵育之使之日化於禮

樂之中以成仁讓之化則不待威以征伐而孔子射於矍

諸侯自盡志禮樂以適於正無流亡之禍也相之圃蓋觀者如堵牆射至於司馬使子路執弓矢出延

射曰賁軍之將亡國之大夫與爲人後者不入其餘皆入

蓋去者半入者半

雙音搜相將皆去聲賁同○上文言

如射故引孔子之射以習禮樂者實之雙相爾名觀者如

堵牆言繞觀者之眾也行射禮必先行鄉飲酒禮鄉飲酒

至旅酬時立相者為司正及將射則先轉司正為司馬故云

射至於司馬也司馬主張侯負獲之則轉司正為司馬故云

此云子路執弓矢出延射則是子路為司射非為司馬也

方轉司正為司馬時則司射比耦延射亦於此時耳延進

也誓眾選士而進其欲射之人也賁覆敗也亡國亡其君

之國也為人後者非其所當後而甘心為之後是忘己之

親而利人之利故與債軍亡國之臣同為所當斥也夫忘

君忘親之人未必盡不能射然射以習禮樂必非其人所

可與又使公罔之裘序點揚解而語公罔之裘揚解而語

也已又使公罔之裘序點揚解而語公罔之裘揚解而語

曰幼壯孝弟耆耄好禮不從流俗修身以俟死者句不句

在此位也蓋去者半處者半弟好皆去聲○公罔姓之語助辭裘

名序姓點名也射事既畢司馬復為司正以相旅酬旅酬

一終則復命二人舉解於賓及撰以為無算爵始古者於

射義第四十六

聖已重了

旅也語故又使二子揚解而語也幼壯有父兄故言孝弟
耄耄多昏惑故言好禮孝弟好禮則不從流俗矣以是修
身而俟死所謂守死善道者也蓋將修無算爵則非強力有
此位蓋進之在西陪賓位也蓋將修無算爵則非強力有
德者恐不能醉而令序點又揚解而語曰好學不倦好禮
儀故又汰之如此

不變旄期稱道不亂者句不句在此位也蓋勵有存者旄音

髦勵音僅○八十九曰旄百年曰期言年高而於道無
所違背非德之純者不能勵有存者去者多而留者少也
雲莊陳氏曰子路之延射直指不善而斥之則無此惡者
自入裴點之揚解但舉善者而留之則非其人者自退裴
之言尙疏點之言則愈密矣○孔子家語亦載此段而此
段後尙有子路孔子之言此篇不載蓋記者節去之也家
語子路曰吾三子之爲司馬何如今按儀禮則三子皆非
爲司馬然則此記所述爲真而家語後此之言其出於附
會也射之爲言者釋也或曰舍也釋者各釋己之志也故
心平體正持弓矢審固持弓矢審固則射中矣中夫聲下同○此以下

下復中篇首一段之意。釋尋繹思念也。舍者止其所當止之意。各釋己之志。各思繹己之所當志。而念慮不紛也。志者心之所之。志壹則心平矣。行而履之。則體正矣。蓋言其平日於分藝之所當盡者。能時時思繹。決於中。則志慮真純。踐履篤實。是以當射之時。亦能志正體直。以從容命中。而此禮比樂以無失。不然。則心生。而束縛之。雖欲於射之時。強為審固。而不能矣。射字有入去二音。讀人聲。則有釋義。讀去聲。則有舍義。故併言之。故曰。為人父者。以為父鵠。為人子者。以為子鵠。為人君者。以為君鵠。為人臣者。以為臣鵠。故射者。各射己之鵠。故天子之大射。謂之射侯。射侯者。射為諸侯也。射中。則得為諸侯。射不中。則不得為諸侯。則鵠工毒反。射己射侯之射。食亦反。○大射為的者也。侯。以布為之。各射己之鵠。所謂各繹己之志者。為父欲止於慈。為子欲止於孝。為君欲止於仁。為臣欲止於敬。射之必欲其中鵠也。為父為子為君為臣。各必求以自盡其心。而當其分。而於射也。何獨不然。隨所處而不紛。

其志此所以能比禮比樂而心無不平體無不正而多中也天子以射選士亦所以觀此而已以所貢之士之賢否慶讓諸侯所以勵諸侯使身率而盡志於射故其所貢之士而能多中則其君得列於諸侯不能多中則其君不得列於諸侯也鄭氏曰得為諸侯謂有慶也不得為諸侯謂有讓也天子將祭必先習射於

澤澤者所以擇士也已射於澤而後射於射宮射中者得與於祭不中者不得與於祭不得與於祭者有讓削以地

得與於祭者有慶益以地進爵紕地是也與去聲○中上

諸侯不中則不得為諸侯之說也澤蓋開曠近澤之地先射於澤以習儀也孔氏曰進則爵輕於地故先進爵而後益地退則地輕於爵故先削地而後紕爵愚按此兩節皆以申前段天子以射選諸侯卿大夫士之意故男

子生桑弧蓬矢六以射天地四方天地四方者男子之所有事也故必先有志於其所有事然後敢用穀也飯食之

謂也。

射食亦反飯上聲。食音嗣。此以申射者，男子之事。之意，有志於其所有事而後敢用穀，言必求盡其分。

藝之所當為，而不敢虛受祿也。飯食謂擇母使食子也。言

先事而後食，猶始生先射，天地四方而後飯食也。飾之以

禮樂者，飾斯志而已。各釋射者，仁之道也。求正諸己，已正

己之志者，亦釋斯志而已。射者，仁之道也。求正諸己，已正

而後發發而不中，則不怨勝己者，反求諸己而已矣。此以

立德行之意，已正而後發，謹於未事之先，不中反求諸己，

省於既事之後，正己無求，反身克己，此仁之道也。德行之

所以孔子曰：君子無所爭，必也射乎？揖讓而升，句下句而

立也。飲其爭也。君子此以申射者，進退周旋必中，禮之意也。凡

射則比耦，在阼階下及升射，則耦鄉射，則比耦於西階下。大

面揖及階，揖乃三讓，上射先登，下射從之。既升，揖東行當

物北面揖及物，揖此揖讓而升也。耦各履物，南嚮拾發四

矢畢，南面揖南行，揖西嚮及階，南面揖讓而下也。及眾耦皆射

轉東嚮及位，揖乃復位以俟。此揖讓而下也。及眾耦皆射

畢，乃行罰爵。勝者執張弓，不勝者執弛弓，三揖以升如初。

射義第四十六

禮記

禮記

勝者先升升堂少右北面立於解東不勝者進北面坐取
豐上之解立飲卒解坐奠解與揖降如初此揖讓而飲也
朱子曰君子恭遜不與人爭唯於射而後有爭然其爭也
雍容揖遜也如此則其爭也君子而非若小人之爭矣

孔子曰射者何以射何以聽循聲而發發而不失正鵠者

其唯賢者乎若夫不肖之人則彼將安能以中正音征夫音扶○此

以中以樂節射之意也賓射則張布侯而射正正之為言
正也心無和樂之實則不能循聲而發存於心者有未純
則雖循聲而發而不能不失正鵠是必其平日之和於樂
者深而心志以與之融然後其於射也循聲而發有自然
合節之妙而無待於勉強是以可觀盛德也詩云發彼

有的以祈爾爵祈求也求中以辭爵也酒者所以養老也

所以養病也求中以辭爵者辭養也養去聲○詩小雅賓

的正鵠也引詩言求中以辭養此以見不爭之
實亦以終篇首明君臣之義長幼之序之意也

燕義第四十七

諸侯朝正於王則天子與之燕諸侯飲其羣臣宗族則亦行燕禮此篇主

諸侯燕羣臣禮言所以釋儀禮燕禮篇之義也

古者周天子之官有庶子官庶子官職諸侯卿大夫士之庶子之卒掌其戒令與其教治別其等正其位國有大事則率國子而致於天子唯所用之若有甲兵之事則授之以車甲合其卒伍置其有司以軍法治之司馬弗正凡國之政事國子存游卒使之修德學道春合諸學秋合諸射以考其藝而進退之之卒游卒之卒取內反大子之大音泰卒伍之卒子忽反弗正之正音征
○庶子官名周禮作諸子下大夫二人中士四人為之庶眾也卒周禮作倅副貳也諸侯卿大夫元士之適子教於太學為國子之正其諸侯卿大夫士之眾子則為國子之副貳而掌於庶子之官也戒以警之令以諭之教以其藝
豐己章司

治以其事辨等明貴賤也叙其父之爵以別等級也正位
序長幼也於同等之中又序其齒以定位次也國有大事
謂大祭祀大喪紀大賓客大燕饗之類庶子官雖專掌國
子之倅而國有大事則國子亦所兼掌公卿大夫聽命於
王而其子則聽命於太子唯所用之唯太子役使也甲兵
征伐之事百人爲卒五人爲伍合其卒伍聯之以成部隊
也有司謂卒伍之長若卒長公司馬之法也以軍法治之
坐作進退一以軍法也正征同此國之貴子弟弱於太子
謂國家常政非大賦征之鄉遂甸徒皆不及也凡國之政事
國子及已仕者及之游倅則存之而未用使之得以修德
學道以成其材也春則合而教之於太學秋則合而觀之
於射宮所以考其德藝而進退之也此節皆周禮夏官之
文呂氏曰燕禮有主人升自西階獻庶子庶子作階之上又宵
則執燭於阼階上故此篇因陳庶子請侯燕禮之義君立
官之所掌且明所以建官之義也諸侯燕禮之義君立
阼階之東南南鄉句爾卿句大夫皆少進句定位也君席
阼階之上居主位也君獨升立席上西面特立莫敢適之

義也

鄉去聲適音敵。君燕其臣。卿大夫皆從君立阼階之下。君立阼階之南。少東南鄉。爾還同君與卿相近。

而卿近君側也。大夫以下則皆少進在卿之前。其南也。

定位。定諸臣之位也。君燕其臣。雖不自爲主。然席阼階之

上。西鄉。主位莫之易也。臣位既定。則君獨升立席上。西鄉

特立者。其臣莫敢與君敵也。此以下皆記者舉儀禮之女

而釋其設賓主飲酒之禮也。使宰夫爲獻主。臣莫敢與君

義也。

亢禮也。不以公卿爲賓。而以大夫爲賓。爲疑也。明嫌之義

也。賓入中庭。君降一等而揖之。禮之也。亢苦向反。爲疑之

無以成禮。而臣又不敢與君抗禮。故使宰夫爲獻主。而以

大夫爲賓。不以卿爲賓者。卿之尊近於君。爲賓則嫌於偏

大夫位稍卑。斯須解之。可無嫌也。然君雖不自爲主。而既

以大夫爲賓。則賓不可以不敬禮。故賓入中庭。則君降一

等而揖之。幾微之間。必有深意。先王制禮。其義精矣。方氏

曰。既曰爲疑。而又曰明嫌者。疑未至於嫌。特明嫌之義耳。

此主燕本國之臣。故以大夫爲賓。若饗食鄰國之臣。

則卿自不嫌於爲賓矣。侯國無三公。而兼言公卿者。上公

豐己。臣司。卷之十一。燕義第四十七。 三

之國得置若舉旅於賓及君所賜爵皆降再拜稽首升成

拜明臣禮也君答拜之禮無不答明君上之禮也稽上聲

獻賓禮畢下大夫二人舉腍爵公取此爵以酬賓賓以旅

酬於西階之上此君舉旅於賓也君所賜爵則特賜臣下

之爵也此二者賓及受賜之臣皆降西階下再拜稽首君

使小臣辭乃升成拜明臣禮明臣下所以尊君之禮也賓

升成拜君奠觥答再拜君卒爵賓下拜君答再拜禮無不

答所以明爲上者接下之禮也君導飲畢更酌以酬賓於

西階之上賓拜受酬君反位此不言者略之也揚氏曰公

取腍爵以酬賓此別是一禮與尋常酬賓不同臣莫敢與

君抗禮而君舉酬於西階之上以酬賓者蓋君臣之分甚

嚴其情甚親使宰夫爲獻主所以嚴君臣之分而舉旅於

賓略去勢分致其謙光臣下竭力盡能以立功於國君必

報之以爵祿故臣下皆務竭力盡能以立功是以國安而

君寧承賜爵而廣言之君賜爵以厚臣臣務立功以報上

亦猶君賜臣爵而臣降再拜稽首也臣務竭力以忠

其君則國安禮無不答言上之不虛取於下也上必明正而君寧矣

道以道民民道之而有功然後取其什一故上用足而下

不匱也是以上下和親而不相怨也

道民民道之道去聲承禮無不答而廣

言之不虛取於下言必有以報下而後敢取於下也上盡心以道下然後下亦給公以奉上亦猶臣拜君賜而君必答之然後臣益勸於敬恭而上下和親也上和寧禮之用足而下不匱則上下和親而不相怨也

也此君臣上下之大義也故曰燕禮者所以明君臣之義

也

和上下和親也寧國安君寧也禮之用謂功用也總結上文

席小卿次上卿大夫次

小卿士庶子以次就位於下獻君君舉旅行酬而後獻卿

卿舉旅行酬而後獻大夫大夫舉旅行酬而後獻士士舉

旅行酬而後獻庶子俎豆牲體薦羞皆有等差所以明貴

賤也。差初宜反。上卿席在賓席之東。小卿席在賓席之西。皆南面。東上。而遙相次。所謂小卿次上卿也。大夫席在小卿之西。大夫次小卿也。士受獻於西階之上。退立於阼階之下。西面。北上。庶子次於士。其受獻於阼階之上。而退立也。獻於阼階之下。此士庶子以次就位於下也。此言位之等差也。獻於阼階之下。此士庶子以次就位於下也。此言位之等差也。以旅酬於西階之上也。君為賓舉旅。而後宰夫獻卿。君又以陵爵酬卿。卿亦以旅酬於西階之上。此言舉旅者。順文耳。實君為卿舉旅也。君為卿舉旅。而後宰夫獻大夫。君又舉解以賜大夫。大夫亦以旅酬於西階之上。而後宰夫獻士。君又舉庶子而燕禮畢矣。此獻酬之等差也。庶子爵尊於士。而位次士下者。以庶子正齒位。有主道焉。故其位在下。而受獻在阼階上也。其牲用狗。其牲體薦羞之等差。則儀禮未載。無可考矣。

聘禮第四十八

呂氏曰：天子之與諸侯。諸侯之與鄰國。皆有朝聘。朝則相見。聘則相問。朝

覲宗。遇會同。皆朝也。存煩省聘。問皆聘也。故聘有天子所以撫諸侯者。大行人歲徧存。三歲徧類。五歲徧

省是也。有諸侯所以事天子者。大行人時聘以結諸侯之好。殷類以除邦國之慝是也。有鄰國交脩其好者。大行人諸侯之邦交。歲相問。殷相聘是也。儀禮所載。鄰國交聘之禮。此篇所以釋聘禮之義也。

聘禮上公七介。侯伯五介。子男三介。所以明貴賤也。人君相朝

介數如其命數。其卿出聘。則禮下於君二等。故上公之國。其卿出聘。則七介也。以下放此。呂氏曰。古者賓必有介。介

副也。所以輔行其事也。而致文於斯。禮者也。介紹而傳命。君子於其所尊。弗敢質

敬之至也。紹繼也。賓侯於門外北面。上介次介以下至末

面。上擯承擯末。擯皆立於門外之東。西南上。主君廟門內南

以傳之。次擯次擯傳之末。擯末擯以告末介。末介傳之次

介。次介傳之上介。上介以告於賓。賓傳命上介。上介奉賓

命。以傳次介。次介以傳末介。末介以告末擯。末擯以傳次

擯。次擯以傳上擯。上擯以告主君。此介紹而傳命之禮也。

質正也。不敢正與尊者相當。故介紹以將命。所以致其敬也。

也。三讓而後傳命。三讓而後入廟門。三揖而後至階。二讓

禮記章句 卷之十 聘義第四十八 哭

而後升。所以致尊讓也。三讓而後傳命者。見主君陳擯。以客禮待己。故不敢當客禮。三讓而

後傳來聘之命也。三讓而後入廟門者。主人出。君使士迎。賓入廟以受聘。賓不敢當故三讓而後入也。君使士迎

於竟。大夫郊勞。君親拜迎於大門之內。而廟受北面拜。貺

拜君命之辱。所以致敬也。迎去聲。竟上聲。勞去聲。聘賓及竟。則主君使士迎之。賓及郊

則又使大夫以束帛勞之。此未至時事也。賓既至。傳命則主君拜迎於門內。而受聘於廟。阼階上北面拜。貺。貺。賜也。

拜貺者。拜君命之辱。敬讓也者。君子之所以相接也。故諸侯相接以敬讓。則不相侵陵。

四節。總結上。卿為上擯。大夫為承

擯。士為紹擯。君親禮賓。賓私面。私覲。致饗餼。還圭璋。賄贈

饗食燕。所以明賓客君臣之義也。食音嗣。擯。上國之君。所使出接賓者。凡擯之

數。視介之半。賓七介。則四人擯。五介。則三擯。三介。則二擯。承。承於卿也。紹。紹大夫之後也。賓行聘事畢。主君親執醴

以禮賓賓以私禮幣帛面於主國之卿大夫又以私禮覲於主君所以伸己之情也牲殺曰饗生曰餼賓既就館主君使卿致饗餼於賓館也圭以聘於君璋以聘於夫人賓將反國則主君使人致還之而加以賄贈贈用束紡絹也饗食於廟燕則於寢再饗一食燕無常數賓致尊讓以盡禮於主君所以明君臣之義主君致敬讓以加禮於賓所以明賓客故天子制諸侯比年小聘三年大聘相厲以禮

使者聘而誤主君弗親饗食也所以愧厲之也諸侯相厲

以禮則外不相侵內不相陵此天子之所以養諸侯兵不

用而諸侯自爲正之具也比必二反使去聲○制謂制禮

君臣之義明故內和而外睦而不相侵
上下之交則天下無邦人道所以不能羣也故先王之御諸侯使之相交也脩好必使之相敬以全交其相交也酌疏數之中而比年小聘三年大聘其相敬也相厲以禮使
者聘而誤主君不親饗食然後仁達而禮行外而四鄰不相侵內則君臣不相陵也先王制禮以善養人於無事之
豐己章司
卷之十
聘義第四十八
罷

際多爲升降之文。酬酢之節。賓主有司。似有不可勝行之
憂。而先王未之有。改者蓋以養其德意。使之安於無禮。
憚也。不安於傲惰。而安於行禮。不恥於相下。而恥於無禮。
天子以是養諸侯。諸侯以是養卿大夫士。上下交相養。此
兵所以可不用。天下所以平也。節文之多。唯聘射養人之
至者也。射聘二禮之義。天子養諸侯之意。爲深。故其義皆
曰兵不用。而諸侯自爲正之具也。愚謂聘射節文之多。非
止故爲繁文也。實有不如是而未安者。而節文之末。尤莫
不各有深義存焉。此所以能養人於正。與張子以圭璋聘
曰。禮儀三百。威儀三千。道之體事而無不在也。
重禮也已。聘而還圭璋。此輕財而重禮之義也。諸侯相厲
以輕財重禮。則民作讓矣。此以下復申上文未盡之意。聘
於君則束帛加璧於夫人則束帛加琮。束帛璧琮皆財也。
圭璋以行禮。故重之而不敢受。已聘則還之於財。則輕之
故受而不還。呂氏曰。諸侯相厲以禮。主國待客。出入三積
而輕財。則遠利而有恥。故民作讓。
餼客於舍。五牢之具。陳於內。米三十車。禾三十車。芻薪倍

禾皆陳於外。乘禽日五雙。羣介皆有餼牢。壹食。再饗。燕與
時賜無數。所以厚重禮也。古之用財者。不能均如此。然而
用財如此其厚者。言盡之於禮也。盡之於禮。則內君臣不
相陵。而外不相侵。故天子制之。而諸侯務焉爾。積去聲。食音嗣。出。
將行。入。始至也。積。卽餼牢。米。禾。皆是也。其去其來。皆三饋。
之餼。客。於。舍。致。之。於。客。館。也。牛。羊。豕。爲。一。牢。五。牢。之。具。陳
於。內。者。任。一。牢。在。賓。館。西。階。腥。二。牢。在。東。階。餼。二。牢。在。門
內。之。西。也。禾。穀。連。稿。秸。者。米。車。設。於。門。東。禾。車。設。於。門。西。
芻。草。薪。柴。薪。從。米。以。供。饗。芻。從。禾。以。供。秣。也。倍。禾。則。六。十
車。也。乘。禽。禽。之。有。行。列。者。鴈。鷺。之。屬。也。掌。客。職。云。國。新。殺
禮。凶。荒。殺。禮。札。喪。殺。禮。禍。裁。殺。禮。在。野。在。外。殺。禮。是。用。財
固。不。能。盡。此。例。然。要。於。如。此。其。厚。者。如。此。而。後。盡。禮。故。財
在。所。輕。也。周。禮。上。公。五。積。侯。伯。四。積。子。男。三。積。諸。侯。之。卿
其。禮。各。下。其。君。二。等。則。三。積。者。以。大。國。之。卿。言。也。上。介。有
禽。獻。君。介。之。聘。射。之。禮。至。大。禮。也。質。明。而。始。行。事。日。幾。中
餼。其。數。未。考。聘。射。之。禮。至。大。禮。也。質。明。而。始。行。事。日。幾。中

而後禮成。非强有力者弗能行也。故强有力者將以行禮也。酒清人渴而不敢飲也。肉乾人飢而不敢食也。日莫人倦。齊壯正齊而不敢解惰。以成禮節。以正君臣。以親父子。以和長幼。此眾人之所難。而君子行之。故謂之有行。有行之謂有義。有義之謂勇敢。幾音機。乾音干。莫音慕。齊莊之齊。側皆反。解音懈。長之丈反。有以爲至大禮也。强自強也。齊以心言。莊以容言。正齊以行。立進退言。正君臣。謂聘燕。篤父子。和長幼。謂射鄉。行之於身。謂之行。齊莊正齊也。措之物宜。謂之義。正君臣。親父子。和長幼也。故所貴於勇敢者。貴其能以立義也。所貴於立義者。貴其有行也。所貴於有行者。貴其行禮也。故所貴於勇敢者。貴其敢行禮義也。
立義立君臣父子長幼之義。有行有仁忠慈孝友恭之行。行禮齊莊正齊。

而不懈。懈以行聘射之大禮也。非勇而敢於自勝其懈。故情之私者不能行禮而立義。故貴之。此反復上文之意。故勇敢强有力者。天下無事。則用之於禮義。天下有事。則用之於戰勝。用之於戰勝。則無敵。用之於禮義。則順治。外無敵。內順治。此之謂盛德。故聖王之貴勇敢强有力如此也。勇敢强有力而不用之於禮義。戰勝而用之於爭鬪。則謂之亂人。刑罰行於國。所誅者亂人也。如此。則民順治而國安也。勇敢則能勝剛也。强有力則能久。毅也。用之於戰勝。則入於刑。故刑罰及之。此王節反復言節文之詳。皆所以養人於正。而成其材德也。呂氏曰。節文之多。無如聘射。而君臣父子長幼之義。皆形見於節文之中。人之所難。我之所安。人之所懈。我之所敬。故能行之者。君子也。君子自養其强力。勇敢之氣。一用之於禮義。戰勝而教化行矣。此國之所以安也。諸侯之射。必先行燕禮。卿大夫士之射。必先

行鄉飲酒禮。獻酬之節。至爲繁縟。故酒清肉乾而不敢飲。食聘禮。則受聘。受享。請覲。然後酌酒禮賓。節文之繁。與射禮等。皆日幾中而後禮成。故以聘射並言之也。子貢問於孔子曰。敢問君子貴玉而賤珉者。何也。爲玉之寡而珉之多。與。孔子曰。非爲珉之多。故賤之也。玉之寡。故貴之也。夫昔者。君子比德於玉焉。溫潤而澤。仁也。縝密以栗。知也。廉而不剌。義也。垂之如隊。禮也。叩之。其聲清越以長。其終詘然。樂也。瑕不揜瑜。瑜不揜瑕。忠也。孚尹旁達。信也。氣如白虹。天也。精神見於山川。地也。圭璋特達。德也。天下莫不貴者。道也。詩云。言念君子。溫其如玉。故君子貴之也。珉音民。與平聲。夫音扶。縝之忍反。知音智。劇姑衛反。隊音墜。詘音屈。見賢。徧反。○珉石似玉者。比德於玉。欲其德之如玉也。溫潤而澤。溫柔和潤而有光澤也。縝。堅也。栗。堅密貌。察。

之密而守之堅。智也。廉。稜角也。劓。傷也。玉之體方而非若金鐵之傷割。記曰。玉水流方。君子廉以自勵而不傷於物。義也。玉體堅重。故垂之如隊。君子自卑而尊人。禮也。叩。拷也。越。遠也。其終詘然。戛然而止也。有和而不流之意焉。瑕。玉病。瑜。玉采也。瑕瑜不相掩。君子不文過而求以自盡。盡己之忠也。尹。允同。孚。交於人也。允實於己。實積於中而旁通於外。以實之信也。氣如白虹。玉之光瑛。如國策所稱夜光之璧也。精神見於山川。語所謂玉蘊石而山輝者。此言其有得於天地之精英也。圭璋特達。謂不以皮幣藉之。所以貴其德也。德。卽仁知義禮樂忠信是也。有諸身之謂德。爲人之所率由。則謂之道。君子將於玉比德焉。是貴其道也。詩。秦風。小戎之篇。石梁王氏曰。因聘禮用玉。故論玉之德。以結此篇。

喪服四制第四十九

孔氏曰。以其記喪服之制。取於仁義禮智也。愚按。自冠義至此。

七篇。似同出一人手筆。

凡禮之大體。體天地法四時。則陰陽順人情。故謂之禮。皆

之者是不知禮之所由生也。時者道之運用而陰陽則闢

闢往來於四時之中者也。情者性之發也。記者將言喪禮而先統舉禮之所由生者言之。夫禮吉凶異

道不得相干。取之陰陽也。喪有四制。變而從宜。取之四時

也。有恩有理。有節有權。取之人情也。恩者仁也。理者義也。

節者禮也。權者知也。仁義禮知。人道具矣。○夫音扶。知音智。

即恩制。義制。節制。權制也。變而從宜。隨其所處之宜。以爲制也。恩者仁之施。仁者恩之本。在物謂之理。處物謂之義。

節者自然之定限。禮者吾心之節文。權稱錘也。稱物之輕重而往來以取中者也。知所以審物之衡者也。於所親則

有恩於所尊則有宜於久近則有節於變通則有權人之情也。而本於仁義禮知之德則性也。性者天地之本然。而

情則人道也。其恩厚者其服重。故爲父斬衰三年。以恩制者

之自然也。其服重故爲父斬衰三年。以恩制者也。九族之親皆以恩合而仁莫切於愛親。故斬衰三年也。

○五服親親之殺則恩而節存焉。請母諸婦之服恩而

兼義。至若婦人之降本宗而隆夫家。門內之治。恩揜義。門外之治。義斷恩。資於事父以事君而敬同。貴貴尊尊。義之大者也。故爲君亦斬衰三年。以義制者也。門內之治。非無多。門外之治。非盡不用恩也。而以義爲重。資取也。用也。用事父之道以事君。其用敬同。蓋諸父諸兄皆在所敬。而莫嚴於父。敬上敬長皆用吾敬。而莫嚴於君。然門外之治。主於義。故義之大者亦斬衰三年也。五服皆有義服。此舉重言之。三日而食。三月而沐。期而練。毀不滅性。不以死傷生也。喪不過三年。苴衰不補。墳墓不培。祥之日。鼓素琴。告民有終也。以節制者也。三日而食。始食粥也。既葬而沐。爲虞祭也。苴衰。謂斬衰。卒哭。易以成布練而易以功衰。有變易。無完補也。培。脩墓也。素琴。琴之無漆飾者。祥之日。謂既祥之後也。五服皆有節。此主三年之喪言之。資於事父以事母而愛同。天無二日。土無二王。國無二

君家無二尊。以一治之也。故父在爲母齊衰期者。見無二

尊也。父尊母卑。而愛母則同於愛父。故喪母亦三年。門內

也。杖者何也。爵也。三日授子杖。五日授大夫杖。七日授士

杖。或曰。擔主。或曰。輔病。婦人童子不杖。不能病也。百官備

百物具。不言而事行者。扶而起。言而后事行者。扶而起。身

自執事而后行者。面垢而已。禿者不髻。偃者不袒。跛者不

踊。老病不止酒肉。凡此八者。以權制者也。擔音瞻。有爵

貴者先受杖。以其先病也。擔猶助也。爲喪主。則雖無爵者

亦瞻之。以杖見其爲主也。非喪主而杖。則輔病也。蓋優尊

則必瞻。以杖而輔病。則不能不杖也。婦人謂未笄之婦人。

不能病。未能責禮也。有爲之治事者。則宜專致其情於親。

必身自執事者。則不可以喪而廢事。八者。謂不杖。一也。扶

而起。二也。杖而起。三也。面垢而已。四也。不髻者。五也。不袒

者六也。不踊者七也。不止酒肉者八也。是皆禮之階也。凡有變通處皆權記特舉此以見例耳。始死三日不怠。三月不解期悲哀。三年憂恩之殺也。聖人因殺以制節。此喪之所以三年。賢者不得過。不肖者不得不及。此喪之中庸也。王者之所常行也。書曰。高宗諒闇三年不言。善之也。解音懈期音基殺色介反諒平聲闇音菴。喪有四制而要皆主於恩。恩之殺有漸而平。復生有節也。聖人因人情之自然而制爲之節。乃所以制中而爲不易之道也。言恩而義可知矣。言節而權在其中矣。○汪正學先生曰。三年之喪王者之所常行。以孝治天下自君身始自漢文遺制以月易日而諒闇之禮廢矣。王者莫不行此禮。何以獨善之也。曰高宗者武丁。武丁者殷之賢王也。繼世卽位而慈良於喪。當此之時殷衰而復興禮廢而復起。故善之善之。故載之書中。而高之。故謂之高宗。三

年之喪君不言書云高宗諒闇三年不言此之謂也然而

曰言不文者謂臣下也

高宗武丁不遷之廟號而武丁則殷王之本號也言殷衰禮廢而武

丁復興起之所以商書善而載之也言不文謂臣下不可無言而事行故不能不言但不文可耳亦權制也○汪正

學先生曰高宗特興不言之典而殷人高之此可見人心之同然矣然則後王有志三年之喪如晉武宋孝者能謂

非高世之禮斬衰之喪唯而不對齊衰之喪對而不言大令主數

功之喪言而不議總小功之喪議而不及樂

此所謂言不文者也音義

並見父母之喪衰冠繩纓菅屨三日而食粥三月而沐期

十三月而練冠三年而祥比終茲三節者仁者可以觀其

愛焉知者可以觀其理焉彊者可以觀其志焉禮以治之

義以正之孝子弟弟貞婦皆可得而察焉

衰七雷反菅音姦期音基比必

二反知音智上第字去聲。○此及也。三節三月而葬一期而練再期而祥也。閱此三節觀其愛親之厚薄而可以知其人之仁。觀其條理之不紊而可以知其人之彊。禮以治其近久隆殺之意之壹於盡禮而可以知其人之理。此統五服言也。合於禮義之節義以正其上附下附之理。此統五服言也。合於禮義而不踰則孝子弟弟貞婦可知矣。若不肖者則安能以盡禮哉。不言忠臣者同於父也。仁所以體此也。知所以此也。彊所以力此也。此人情性之本然。所謂三達德也。仁以盡節而禮在其中。知以察理而義在其中矣。禮以治之。所以盡仁也。義以正之。所以權時中也。錯舉四制以見其所爲經緯則四者非截然分割而喪死要主於用恩故獨舉門子之治以終焉也。

禮記卷十終